


特別  
〜 21  
3536  
15





第六十七回

曹操漢中破張魯

曹操將西征軍士分爲三隊前部先鋒夏侯淵張郃中間操與諸將後隊曹仁夏侯惇押運糧草比及起程早有細作報入漢中來張魯與弟張衛商議退敵之策衛曰漢中最險無如陽平關左右依山傍林下十餘箇寨柵迎敵曹兵兄在漢寧盡撥糧草應付魯遣大將楊昂楊任掌管軍馬以助其弟卽日起程軍到陽平關下寨已定夏侯淵張郃前軍已到聞知陽平關已有準備離關一十五里下寨是夜軍士疲困各自歇息忽寨後一把火起楊昂楊任兩



路兵殺來劫寨夏侯淵張郃急上得馬四下裏大兵擁入  
曹兵大敗退見曹操操大怒曰汝二人行軍許多年豈不  
知兵若遠行疲困可防劫寨如何不做準備欲斬二人以  
明軍法眾官告免操次日自引兵爲前隊見山勢險惡林  
木叢雜不知路徑操恐有伏兵再引兵回寨見高山茂林  
無數曹操與許褚徐晃二將曰吾若知此處如此必不起  
兵來許褚曰事已至此主公不可自憚次日操上馬只帶  
許褚徐晃二人共三疋馬來看張衛寨柵三疋馬轉過山  
坡早望見張衛寨柵操揚鞭遙指與二將曰如此堅固急  
切難下忽背後一聲喊起箭如雨發操大驚楊昂楊任分

兩路殺來許褚大呼曰吾當賊兵徐公明善保主公二將  
雙至許褚提刀縱馬向前力敵二將楊昂楊任不能當許

褚之勇回馬退去其餘不敢向前背後徐晃保着曹操三  
疋馬從萬軍中殺出來前面又一軍到看時却是夏侯淵  
張郃二將聽得喊聲故引數千騎殺將入來殺退楊昂楊  
任救得曹操回寨操重賞四將兩邊相拒五十餘日各不  
相攻曹操傳令退軍賈詡曰賊勢未見強弱主公何故自  
退焉操曰吾料賊兵每日隄備急難取勝吾退軍馬爲各  
賊必懈怠却分輕騎抄襲其後必勝賊矣賈詡曰丞相神  
機不可測也於是令夏侯淵張郃分兵兩路各引輕騎三

取小路抄陽平關後曹操大軍盡拔寨起楊昂聽得曹  
兵退請楊任商議今操退可乘勢擊之楊任曰操詭計極  
多未知真實不可追趕楊昂曰汝不往吾當自去楊任喏  
諫不從楊昂盡趕五寨軍馬前進是日大霧迷漫對面皆  
不相見楊昂軍士至半路扎住却說夏侯淵一軍抄過山  
後見重霧垂空又聞人語馬嘶恐有伏兵急催人馬行動  
誤走到楊昂寨前寨內有些小守寨軍士聽得馬蹄響只  
道是楊昂兵回開門納之馬軍一擁而入見是空寨便就  
寨中放起火來五寨軍士盡皆棄寨而走楊任比及霧散  
來探消息五寨一齊火着楊任領兵來救與夏侯淵戰不  
數合背後張郃兵到楊任殺條大路望漢寧包州而逃楊  
昂待要回時已被夏侯淵張郃兩箇占了寨子背後曹操  
大隊軍馬趕來兩下夾攻四邊無路楊昂欲突陣而出正  
撞着張郃兩箇交手被張郃殺死敗兵回投陽平關來見  
張衛原來衛知一將敗走諸營已失半夜棄關奔南鄭包  
州去訖曹操遂得陽平關并諸寨張衛楊任來見張魯衛  
曰二將失了隘口張魯大怒欲斬楊任任曰某曾諫楊昂  
休追操兵不肯聽信故有此敗任再乞一軍前去挑戰必  
斬曹操如不勝該斬曹取了軍令狀楊任上馬引二萬軍  
離南鄭下寨却說夏侯淵勸曹操進軍操曰令一軍前去

哨路即時令夏侯淵領五千軍往南鄭路上來正迎着楊  
任兩軍擺開任遣手將昌奇出馬與淵交鋒戰不到三合  
被淵一刀斬於馬下楊任自挺鎗出馬與淵戰三十餘合  
不分勝負淵撥回馬走任追起來被淵一刀斬楊任於馬  
下軍士大敗而回曹操已知淵斬了楊任即時進兵直抵  
南鄭下寨張魯慌聚文武商議閻圃曰某保一人可敵曹  
操手下諸將魯問是誰圃曰南安狃道人也姓龐名德字  
令明昨隨馬超投降主公後馬超收西川龐德臥病不曾  
行見今蒙主公恩養何不令此人去張魯即時賞勞了便  
點一萬軍馬令龐德出離城十餘里與曹兵相對龐德出

馬搦戰曹操在渭橋時深知龐德之能囑付諸將曰龐德  
乃西涼勇將原屬馬超今雖依張魯未稱其心吾欲得之  
汝等皆與緩鬪使其力乏擒之張郃先出戰了數合便退  
夏侯淵也戰數合退了徐晃又戰三五合也退了臨後許  
褚五十餘合方退龐德力戰四將並無懼怯各將皆於操  
前誇龐德好武藝曹操心中深喜與衆商議如何得此人  
投降賈詡曰某知張魯手下有一謀士楊松其人極貪賄  
賂暗以金帛送之必使龐德疎矣操曰何由得人入南鄭  
詡曰來日交鋒詐敗佯輸將龐德引數十里遠夤夜却去  
劫寨龐德必退入城却選一能言者扮作步軍雜在陣中

便得入城操聽其計喚一軍士能幹此事即時重賞付與  
金掩心甲一付披在貼肉却穿漢中軍士號衣於半路上  
等候次日先撥夏侯淵張郃兩枝軍遠去埋伏却教徐晃  
挑戰不數合敗走龐德招軍掩殺曹兵盡退龐德却奪了  
曹操寨柵見於內糧車極多申報張魯魯大喜當夜二更  
左側三路火起正中是徐晃許褚左張郃右夏侯淵三路  
來劫寨龐德上馬衝殺出來望城而走背後三路共追襲  
到城下龐德喚開門一擁入城此時細作已雜到城中逕  
投楊松府下謁見說魏公曹丞相久聞盛德故使其送金  
甲爲信更有密書松見了大喜問丞相今欲如何細作曰

若疎遠龐德事卽諧矣松曰放心某自有良策報答丞相  
楊松連夜入見張魯說龐德受了曹操金珠賣此一陣張  
魯大怒喚龐德責罵欲斬之關國書諫張魯曰你來日出  
戰不勝必斬龐德抱恨而退次日曹兵攻城龐德引兵衝  
出曹操令許褚交戰褚詐敗龐德趕來曹操自乘馬於山  
坡上喚曰令明何不早降龐德尋思拏住曹操抵一千員  
上將飛馬上坡一聲喊起天崩地塌連人和馬跌將下來  
四壁鈎索一齊上前活捉了龐德押上坡來曹操下馬叱  
退軍士親釋其縛令龐德投降龐德尋思張魯不仁情愿  
拜降曹操親扶上馬共回大寨故意教城上望見人報張

魯龐德與曹操並馬而行魯信楊松之言為實次日曹操  
二面豎立雲梯飛砲攻打張魯見其勢已極與弟張衛商  
議衛曰放火盡燒倉庫或出奔南山去守巴中可矣楊  
松曰不如開門投降張魯猶豫不定衛曰只是燒了便行  
張魯曰本欲歸命國家而意未得達今避鋒銳非有惡意  
寶貨倉庫國家之有不可廢也遂盡封鎖是夜二更張魯  
引全家老小開南門而出曹操教休趕遂入南鄭報說張  
魯封閉庫藏之意曹操甚是憐之遂差人往巴中說之張  
魯欲降其弟張衛不肯楊松密書使人報曹操便教進兵  
曹操親自引兵往巴中張魯使弟張衛引兵出迎與操兵  
相敵被許褚斬之賊軍回報張魯魯欲堅守楊松曰今若  
不出必遭大禍某守城王公當決一死戰必然勝矣圍圍  
諫休出魯不聽親自出陣未及交鋒後軍已走張魯急走  
背後曹兵趕來張魯到城下楊松閉門不開張魯無出路  
回馬之時曹操自叫早下馬受降魯乃下馬投拜曹操操  
大喜念張魯封倉庫之心重重相待操封魯為鎮南將軍  
關國等封為列侯者五人於是漢中皆平曹操傳令各郡  
分設太守置都尉大賞士卒獨殺松快入心目老奸惟有楊松賣王求榮即命斬  
之于市曹教眾人悉知靜軒先生有詩嘆曰  
妨賢賣王逞奇功積得金銀總是空家未榮華身受戮



令人千載笑楊松。

曹操已得東川。王簿司馬懿進曰。劉備以詐力虜劉璋。蜀人未曾歸心。今主公已得漢中。益州震動。可速進兵臨之。勢必瓦解矣。聖人云。不可違時。亦不可失時也。曹操嘆曰。惟能知是方為走食。人苦不知足。既得隴復望蜀耶。劉曄曰。劉備有度而遲得。蜀日淺。蜀人未輔。今破漢中。蜀中震恐。其勢自傾。以公之神明。因其傾而壓之。無不克也。若少緩之。文有諸葛亮。明于治國。而為相武。有關張趙雲黃忠馬超魏延等。勇冠三軍。而為將。號曰五虎。蜀民既定。據守關隘。魏兵不可犯矣。若不取。必有後患。曹操曰。士卒遠涉勞苦。且宜存恤。遂

按兵不動。却說西川百姓。聽知曹操已取東川。料必來取。

西川司馬懿劉曄之見未為不是然老瞞實有懼心借知足而止兵負老奸也一日之間。數遍驚恐。但有風吹草動。老幼不安。在在

報知玄德。玄德請軍師商議。孔明曰。亮有一計。曹操自退。玄德問諸葛亮其計如何。且聽下回分解。

### 張遼大戰逍遙津

孔明曰。曹操軍屯合肥。獨拒孫權也。今遣舌辨之士。分三郡還吳。陳說利害。令吳起兵。襲合肥。牽動其勢。操必勒兵南向矣。玄德問誰可為使。一人進曰。某願往。乃伊籍也。玄德喜。遂作書具禮。令伊籍入吳。先到荊州。說與雲長。可撥江夏長沙桂陽。以東屬孫權。然後入吳。到秣陵。來見吳侯

先通了姓名乃召伊籍入籍見孫權升堂拜畢權問曰汝到此何爲籍曰昨承諸葛子瑜取長沙江夏桂陽三郡爲軍師不在有失交割今傳書送還所有荊州南郡零陵本欲送還爭奈被曹操襲取東川使關將軍無容身之地今合淝空虛望君侯起兵攻之曹操必掣兵吾主公若取了東川卽還荊州全土也君侯疑而不行曹操必前征此時恐措手不及權曰汝且歸館舍容吾商議伊籍退回權問于衆張昭曰此是劉備恐操取西川故行此謀雖然如此可因曹操在漢中乘勢取合淝亦是上計顧雍所見皆同因此令伊籍回報兩下起兵攻操籍辭遂行孫權令魯肅收納長沙江夏桂陽三郡屯兵于陸口取呂蒙甘寧回又去餘杭取凌統回且說三軍皆起呂蒙甘寧先到蒙獻策曰見今曹操令盧江太守朱光屯兵於皖城大開稻田納穀於合淝以充軍實今可先取皖城然後兵出合淝權曰此計甚合吾意遂教呂蒙甘寧爲先鋒蔣欽潘璋爲合後權自引周泰陳武董襲徐盛爲中軍那時程普黃蓋韓當在各處鎮守却說軍馬渡江取和州逕到皖城皖城太守朱光使人往合淝求救自守城池堅壁不出權自到城下看時城上亂箭射下直射孫權麾蓋幾中箭權回寨問衆將曰如何取得皖城董襲曰可差軍築起土堆而攻之徐

盛曰可豎雲梯造虹橋下觀城中而攻之呂蒙曰此法皆費日月而成合肥救軍一至不可圖也只來日某須要得城權問其謀蒙曰今南軍初到可乘此時以三軍銳氣四面夾攻平明進兵午未可下權從之五更飯畢三軍大進城上矢石齊下戰士多傷甘寧手執鐵練冒矢石而上朱光令弓弩以射之甘寧撥開箭林一練打倒朱光呂蒙親自擂鼓士卒皆一擁而上亂刀砍死朱光降者數萬人得了皖城方纔辰時張遼引軍至半路哨軍回報皖城已失遼卽回兵歸合肥孫權入城賞軍已罷人報凌統也到權慰勞了呂蒙得賞作宴管待諸將時甘寧身穿吳侯所賜

錦袍坐於筵上處點綴呂蒙稱其功勞酒至半酣凌統想起殺父之讐也又見甘寧誇耀心中大怒瞪目直視良久扳左右所佩之劍立于筵上曰筵前無樂看吾舞劍甘寧便會其意推開菓卓起身於左右手內搶兩枝戟雙臂挾定縱步而出口看吾筵前使戟呂蒙會意一手挽牌一手提刀立于其中曰二公雖能皆不如我巧也破步便舞刀牌將二人分於兩下早有人報知孫權權慌跨馬直至筵前自與甘寧凌統二人和解二人方纔放下軍器權曰吾常言二人休念舊讐今日又何如此凌統哭拜于地孫權勸之方息至次日起兵進取合肥三軍盡發却說張遼爲失了皖城

回到合肥心中愁悶忽曹操差薛悌送木匣一箇上有操封傍書云賊來乃發是日報說孫權自引十萬大軍來犯合肥薛悌教張遼開匣上云若孫權至張李二將軍出戰樂將軍守護勿得與戰張遼將教帖與李典樂進觀之樂進曰將軍雅意若何張遼曰王公遠征在外吳兵以為破我必矣今可以發兵折其鋒銳以安眾心然後可守也李典素與張遼不睦典默然不答樂進曰賊眾我寡難以迎敵不如堅守張遼曰汝等皆是私意以廢王事吾今自出戰決一死敵便教左右人備馬李典慨然而起曰此國家大事豈敢以私憾而忘公事乎願從將軍指使張遼大喜

曰既曼成公肯相輔助來日可引一軍於逍遙津北埋伏待吳兵殺過來可先斷小師橋吾與樂文謙擊之李典自去點軍埋伏却說孫權兵至合肥相近遂傳令曰兵貴神遠不宜久遲呂蒙甘寧當先便進凌統隨吾為次諸將陸續進發却說呂蒙甘寧前隊兵進正與樂進相迎甘寧出與樂進交鋒戰不數合樂進詐敗而走甘寧召呂蒙引軍趕去却說孫權第二隊聽得前軍得勝催兵行至逍遙津北忽聞連珠砲響左邊張遼一軍殺來右邊李典一軍殺來驚得孫權手足無措急令人喚呂蒙甘寧回救之時張遼兵已到凌統手下止有三百餘騎勢如山倒凌統大呼

日王公何不速渡小師橋言未畢張遼當先一千餘騎前發如雨統翻身死戰孫權縱馬上橋橋南已折丈餘並無一片板孫權大驚親近牙將谷利大呼曰王公可約馬退後些再放馬向前跳孫權收回馬來有三丈餘遠孫權縱馬加鞭那馬一跳飛過橋南史官有詩曰

的盧當日跳檀溪又見吳侯敗合淝退後着鞭馳駿騎  
道遙津上玉龍飛

吳侯縱轡躍征騾凌統甘寧惡戰酣身透重圍衝鐵騎  
從茲聲價滿江南

孫權跳過橋南徐盛董襲駕舟相迎凌統谷利再殺入重

圍與張遼大戰甘寧隨後截在李典廝殺呂蒙截在樂進廝殺是日吳兵折了大半凌統所領三百餘人盡被殺死獨統得脫身殺到橋邊橋已折斷凌統身中數鎗透河而逃孫權在舟中望見急令董襲棹舟接之乃得渡回呂蒙甘寧皆逃過河南這一陣殺得江州小兒皆怕聞張遼大名不敢夜啼有詩曰

說殺江南眾小兒張遼名字透深閨纔聞乳母低聲說  
夜靜更闌不敢啼

眾將保護孫權還營吳軍死者不知其數孫權心驚不定眾將曰至尊乃萬民之主也當以持重今日之事羣下震

驚若無天地護佑幾喪性命願人主以此為終身之戒孫  
權亦垂淚曰孤今大慙謹以刻心非但書紳也權乃重賞  
凌統收軍回濡須整頓船隻商議水陸並進一面差人江  
南再起人馬張遼與眾將議曰逍遙津雖贏了孫權一陣  
今在濡須計議水陸並進報讐此間軍少報知丞相早添  
兵來救護令薛悌星夜往漢中報與魏王操同眾官議曰  
此時可收西川否劉曄曰今蜀中稍定已有隄備不可擊  
也。不如徹兵去敵吳兵救合淝之急就下江南操留夏侯  
淵守漢中定軍山隘口留張郃守蒙頭嚴當梁山隘口連  
夜拔寨起兵號四十萬殺奔濡須塢來未知勝負如何且

聽下回分解

總評

只一龐德孟德多方以得之如何不幹成事業世上  
惟有妬賢嫉能者幹事不成未有愛才惜士而事無  
濟者也  
至此方以三郡還吳孔明固為國也亦為兄也公義  
私心可稱兩盡大畧三國事體盡在孔明掌中或遲  
或速或行或止無不如意真是見定者不忙也

第六十八回

甘寧百騎劫曹營

却說孫權在濡須口收拾軍馬早有人來報曹操自漢中領兵四十萬前來救合肥孫權與謀士計議先撥董襲徐盛二人領五十隻大船在濡須口埋伏停泊令陳武帶領人馬往來於江岸巡哨張昭曰今曹操遠來必須得一人先挫其銳氣權聚眾曰曹操遠來誰敢當先破敵以挫操兵銳氣凌統出曰吾願往權曰帶多少軍去統曰三千人足矣寧曰只帶百騎破敵凌統大怒兩箇就在孫權面前爭競起來權曰先教凌統帶三千軍馬出濡須口去哨曹

兵甘寧為第一凌統領三千人馬出離濡須塢塵灰起處  
曹兵早到先鋒張遼與統交鋒五十合不分勝敗孫權恐  
凌統有失令呂蒙接應回營甘寧見凌統回即時告曰寧  
甘寧責有本今夜只帶一百人馬去劫曹營若折了一人一騎也不算  
功係權調撥帳下一百精銳馬軍又賞酒五十瓶羊肉五  
十斤賞賜軍士廿寧領命回到營中教一百人皆列坐先  
將銀碗寧自吃兩碗乃語百人曰今夜奉命劫寨請諸公  
飲各宜努力各人面目相覷不曉其意甘寧見有難色  
拔劍在手大怒言曰我為上將不惜其命尚且要去汝  
小人焉敢惜乎一百人見甘寧作色皆起拜曰願效

死力跟將軍去甘寧將酒肉與百人共飲食已盡約有二  
更時候取白鷄翎一百根插于盔上為號都披甲上馬到  
於曹操寨邊拔開鹿角馬上敲鑼擊鼓殺入寨中來逕奔  
中軍來殺曹操原來中軍人馬以車仗伏路穿連圍得鐵  
桶相似不能得進甘寧只將百騎在馬上遙呼往來敲鑼  
作用擊鼓在於中軍衝突營中人馬驚慌自家相殺各寨擾亂  
那甘寧百騎在營內縱橫馳驟逢着便殺各營鼓譟舉火  
如星喊聲大震甘寧從南門殺出無人敢當孫權令周泰  
引一枝兵來接應甘寧將百騎回到濡須操兵恐有埋伏  
不敢追襲後人有詩曰



二國志  
鼙鼓聲誼震地來於師到處鬼神哀百翎直貫曹公寨  
盡說甘寧虎將才

甘寧引百騎到寨不折一人一騎至營門令百人皆擊鼓  
吹笛口稱萬歲萬歲歡聲大震孫權自來迎接甘寧下馬  
拜伏孫權扶起權携寧手曰將軍此去足以驚駭老賊也  
非孤相捨正欲觀卿膽耳即賜絹千匹利刀百口甘寧拜  
受訖遂分賞百人權封甘寧為平虜將軍權語諸將曰孟  
德有張遼孤有甘興霸足以相敵也次日張遼引兵搦戰  
凌統見甘寧有功告曰統願往領兵五千離濡須權自上  
馬臨陣左有甘寧右有凌統一疋馬立于門旗之下對陣

圓處張遼出馬左有李典右有樂進凌統縱馬提刀出陣  
搦戰張遼使樂進出馬持鎗與凌統交戰到五十合未分  
勝敗曹操聽得親自策馬到門旗下看操令曹休放冷箭  
射凌統坐下馬曹休閃在張遼背後開弓一箭正中凌統  
馬臂腔那馬直立起來把凌統掀在地上樂進持鎗乘刺  
鎗還未到只聽得弓弦響處一箭射中樂進面門翻身落  
馬兩軍齊出各救一將回營張遼兵退回營自去醫治樂  
進凌統回寨中拜謝吳侯權曰放箭救你者甘寧也凌統  
頓首拜寧曰不想兄長如此施恩寧曰主公令我誓將恩  
報今稍報公萬分之一也凌統自此與甘寧結為生死之  
報今稍報公萬分之一也凌統自此與甘寧結為生死之

交刎頸之友誓以生死相救有詩曰

結下冤讐因鳳毛解酬恩義在龍梢陣前一箭成功處  
從此翻爲刎頸交

二將自此再不爲惡且說曹操見樂進中箭自到帳中調  
治傳令催趲人馬衝陣當先曹操分兵五路來襲濡須操  
自領中一路左一路張遼左二路李典右一路徐晃右二  
路龐德每二路各一萬人馬前來與孫權戰平踏到江邊  
解鞍飲馬時孫權手下董襲徐盛二將徐盛可用在五樓船上見五  
路軍馬來到諸軍各有懼色徐盛曰食君之祿命懸君手  
們懼羣賊哉遂捧馬下小船飛奔江邊火急上馬引數百

人殺入李典軍中去了董襲在船上令眾軍擂鼓吶喊以  
助其威忽然江上猛風大作白浪掀天波濤洶湧軍士見  
大船將覆爭下脚艦逃命軍士叫曰船將沉溺快請將軍  
速卜船來董襲仗劍大呼曰將受君命在此防賊怎敢棄  
船去之再言者斬卽殺下船軍士十餘人風急船覆董襲  
死於江口水中徐盛在李典軍中往來衝突如飛沙走石  
互相殺傷却說陳武聽得江邊嘶殺引一軍來正與龐德  
相遇兩軍混戰孫權在濡須塢中聽得曹兵殺到江邊自  
引本部軍前來助戰正見徐盛在李典軍中攪做一團廝  
殺孫權引兵來救張遼徐晃兩枝軍把孫權困在垓心曹

操上高阜處看見週圍困住孫權權手下兩員將捨身死  
 戰操曰何人敢去衝開孫權手足而擒之言未盡一將應  
 聲而出乃許褚也褚縱馬持刀殺入軍中把孫權軍衝作  
 兩段却說周泰從軍中殺出到江邊並無孫權勒回馬從  
 外又殺入陣中間本部軍主公何在軍人以手指兵馬厚  
 處周泰大毫無懼也可用可用王公受圍周泰挺身殺入尋見孫權泰曰主公何不隨  
 泰出戰陣孫權跟周泰殺出泰到江邊回頭又不見孫權  
 出第三次又尋見孫權權曰弓弩齊發不能得出重圍泰  
 曰主公在前某在後可以出圍周泰橫身左右遮護身被  
 數鎗箭透重鎗救得孫權來到江邊呂蒙引一枝水軍布

在江邊前來救得孫權下船權曰吾虧周泰三番解救得  
 脫虎口○好○箇○男○子○○徐盛在核心如何得脫周泰曰吾再救去遂輪鎗  
 復翻身殺入陣去軍中救出徐盛二將各帶重傷呂蒙教  
 軍亂箭射在岸上兵都救二將等下船却說陳武與龐德  
 大戰後向又無應兵被龐德趕到山峪口樹林叢密陳武  
 再欲回身交戰被樹抓住袍袖不能迎敵因此被龐德手  
 起一刀斬之曹操見孫權走脫自策馬驅兵趕到江邊對  
 別呂蒙箭盡止慌迫間忽對江一宗船到為首一員大將  
 乃是吳郡吳人也小霸王孫策女婿姓陸名遜字伯言自  
 引十萬兵到一陣射退曹兵乘勢登岸追殺曹兵復奪戰

馬數千疋曹兵傷者不計其數曹兵大敗而回因此於亂軍中尋見陳武屍首孫權又知董襲沉江而死哀痛至切情感三軍令人水中尋見屍首皆厚葬之後史官讚董襲廟詩云

憶昔征黃祖全憑董襲功飛身臨戰艦揮刃斷長虹  
寫丹青上游冤雪浪中濡須鎗破裂流血滿江東

又廟讚陳武詩曰

寬厚施仁德鄉閭盡感恩功勳標史記名姓寫麒麟  
陣死兒孫顯身亡器宇存至今江上塚誰不弔英魂  
鑿戰曹兵血刃紅殺身報國盡孤忠將軍一死雖常事

取義捐生萬載功

兩軍罷戰各守營寨孫權得周泰救濟之功營中作一宴

謝之孫權把盞至周泰面前撫其背淚流滿面曰卿為吾

兄弟戰如熊虎不惜性命被鎗數十層如刻畫孤亦何心

不待卿以骨肉之恩委卿以兵馬之重乎卿乃孤之功臣

孤當與卿共榮辱同休戚感乎意快為之勿以寒門而自

退也言罷令周泰解衣與衆將觀之皮肉肌膚如同刀剜

盤根遍體孫權手指其痕一一問之周泰即言戰閉之所

一處傷令喫一觥酒是日周泰大醉權以青羅傘賜之令

出入張蓋以顯耀之其餘衆臣皆賞權在濡須與操相拒

月餘張昭顧雍上言曹操勢大不可力取若與久戰大損士卒不若求和安民爲上孫權從其言令步騭往曹營求和許年納歲貢操見江南急未可下操乃從之令孫權先徹人馬吾然後班師步騭回覆權留蔣欽周泰守濡須口盡發兵上船回還秣陵操留曹仁張遼屯合肥操班師還許昌羣下衆官皆議立曹公爲魏王營建王宮羣下人高聲大叫不可未知其人是誰且聽下回分解

魏王宮左慈擲盃

建安二十一年歲在丙申操自合肥還都侍中王粲上詩頌德羣下皆賀其頌曰

從軍有苦樂但聞所從誰所從神且武安得久勞師國征關右赫怒震天威一舉滅虜虜再舉服羗夷西收邊地賊忽若俯拾遺陳賞越山岳酒肉踰刈低軍中多饒沃人馬皆溢肥徒行兼乘遠空出有餘資拓土三千里行迅速如飛歌舞入鄴城所願復無違

曹操看之大喜遂議進爵爲王尚書崔琰力言不可衆官曰汝獨不見荀文若乎琰大怒曰時乎時乎會當有變在自爲之有與琰不和者告知曹操操大怒捉琰下獄問之崔琰虎日虬髯只是大罵曹操冀漢奸賊廷尉告白曹操操令杖殺崔琰在獄中後有讚曰

清河崔琰天性堅剛虬髯虎目鐵石心腸奸邪辟易聲節顯昂忠於漢王千古名揚

夏五月羣下奏知獻帝頌魏公曹操功德極天際地雖伊尹周公莫可及也宜進爵為王獻帝即令鍾繇草詔冊立曹操為魏王其詔曰

自古帝王雖號稱相變爵等不同至於褒崇元勳建立功德此意出于諸人可出于操則不可操到此亦不自持矣所以為操也光啓民姓延于子孫庶姓之與親豈有殊焉昔我

聖祖受命荆業肇基造我區夏鑿古今之制通爵等之差盡封山川以立藩屏使異姓親戚並列土地據國而王所以保乂天命安固萬嗣歷世承平臣王無事世祖

中興而時有難易是以曠年數百無異姓諸侯王之位朕以不德繼序弘業遭率土分崩羣兇縱弄自西徂東辛咎甲約當此之時惟恐溺入于難以羞先帝之聖德賴皇天之靈俾君秉義奮身震迅神武捍朕於艱難獲保宗廟華夏遺民含氣之倫莫不蒙焉君勤過禹稷忠侔伊周而掩之以謙讓守之以彌恭未必未必是以往者初開魏國錫君土宇懼君之違命慮君之固辭故且懷志屈意封君為上公欲以欽順高義須俟勳蹟韓遂宋建南結巴蜀羣逆合從圖危社稷君復命將龍驤虎奮梟其元首屠其窟栖暨至西征陽平之役親擐甲冑深入阻險

受夷蝥賊殄其兇醜蕩定西陲懸旌萬里聲教遠振寧  
我區夏蓋唐虞之盛三后樹功文武之興旦奭作輔二  
祖成業英豪佐命夫以聖哲之君事爲已任猶錫土班  
瑞以報功臣豈有如朕寡德仗君以濟而賞典不豐將  
何以答神祇慰萬民哉今進君爲魏王使使持節行御  
史大夫宗正劉艾奉策璽玄土之禮直以白茅金虎符  
第一至第五竹使符第一至十君其正王位以丞相領  
冀州牧如故其上魏公璽綬符冊敬服朕命簡恤爾衆  
克綏庶蹟以揚我祖之休命勿復固辭

上上書二辭詔三報不許又手詔一

極微得好看天下高世俱不以爲然可見世之  
大聖以功德爲高美以忠和爲典訓故創業垂名使百

不可以聲首笑貌爲也

世可希行道制義使力行可效是以勲烈無窮休光茂  
著稷契戴元首之聰明周召因文武之智用雖經營庶  
宮仰嘆俯思其對豈有若君者哉朕惟古人之功美之  
如彼思君忠勤之績茂之如此是以每將鏤符折端陳  
禮命冊竊竊慨然自思守文之不德焉今君重違朕命  
讀詔書直爲老好悅死無地  
固辭懇切非所以稱朕心而訓後世也其抑志擢節勿  
復固辭

曹操既受王爵冕十二旒乘金根車駕六馬用天子車服  
儀鑾出警入蹕於鄴郡蓋魏王宮議立世子操大妻丁夫

人無出妾劉氏生子曹昂因征張綉時沒於皖城卞氏所  
生四子長曰不次日彰三日植四曰熊於是黜了夫人而  
立卞氏為正宮第三子曹植字子建極聰明舉筆成章樣  
欲立曹植為後嗣丕心怪之乃問中大夫賈詡詡教如此  
如此但凡操親出征諸子送行惟曹植乃稱述功德發言  
成章左右皆欽仰操甚喜之惟曹不但辭父只是流涕而  
拜左右皆感傷於是操疑植乖巧誠心不及丕也不使人  
買告近侍皆言不之德操欲立後嗣躊躇不定乃問賈詡  
曰孤欲立後嗣當立誰賈詡是妙人子建何不能得之也詡曰正有所  
思故不能即答耳操曰有何所思詡對曰思袁本初劉景

升父子也操大笑就立五官中郎將曹丕為王世子  
月魏工官成差人往各處取果木珍奇之物使人入山  
往福建取荔枝龍眼温州取柑子各處不說且說一行入  
到吳地見一孫權傳魏王令旨要往温州取柑子那時吳  
侯正尊讓魏王便令人於水城選了大柑子四十餘擔星  
夜送往鄴郡至中途脚夫正挑擔而行眾人疲困歇于山  
脚下見一先生眇一目跛一足白藤冠青襖衣來與脚夫  
作禮言曰你等挑擔生受貧道都替你挑一肩每擔各挑  
五里但是先生挑過的擔兒都輕了眾人皆疑先生騙去  
與領柑子官說貧道乃魏王鄉中故人姓左名慈字元放



道號烏角先生如你到鄴郡可說左慈申意遂拂袖而去  
取柑人至鄴郡見操呈上柑子操親剖之但只空殼內並  
無肉操大驚怪問取柑人其官以左慈之言對之操未肯  
信門吏忽報有一先生自稱左慈求見王上操召入取柑  
人曰正是途中所見此先生不可少也人操叱之曰汝以何妖術攝告佳  
果慈笑曰豈有此事取柑剖之皆有肉其味甚甜但操自  
剖者皆空殼操大驚賜左慈坐而問之慈索酒肉操令取  
之飲酒五斗不醉肉食全羊不飽操問曰汝有何術以至  
于此慈曰貧道於西川嘉陵峨眉山中學道二十年忽聞  
石壁中有聲呼我之名及視不見如此者數餘日忽有人

雷震碎石壁得天書三卷名曰遁甲天書上卷各天遁中  
卷名地道下卷各人遁天遁能騰雲跨風飛升大虛地道  
能穿山透石人遁能雲遊四海飛劍擲刀取人首級藏形  
變身先往雖欲度他其如老奸不可度何王上位極人臣何不退步跟貧道往峨眉山中修行  
當傳三卷天書與汝操曰吾亦久思急流勇退奈朝廷未  
得其人耳慈曰益州劉玄德乃帝室之胄何不讓此位與  
之可保全身矣不然則貧道飛劍取汝之頭也操大怒曰  
此正是劉備之細作也要疑心喝左右拿下慈大笑不止冷十數獄  
卒拷之但見皮肉粉碎左慈勦勦熟睡全無痛楚操取去  
枷鐵釘釘了鐵鎖鎖子送入牢中監收操令人看守只見

柳鎖盡落左慈卧於地上並無痕傷連監禁七日並不與食及看時慈端坐於地上面皮轉紅去人回報曹操操取出問之慈曰我數十年不食亦不妨日食千羊亦能盡操無可奈何次日諸官皆至王宮大宴正行酒間左慈足穿木履立干筵前眾官驚怪左慈曰大王今日水陸俱備大宴羣臣四方異物極多內中欠少何物貧道願取之操曰我要龍肝作羹汝能取否慈曰有何難哉取墨筆於粉牆上畫一條龍以袍袖一拂龍腹自開左慈于龍腹中提出龍肝一副鮮血尚流操不信叱之曰汝先藏於袖中耳慈曰即日天寒草木枯死大王要甚好花隨意所欲操曰吾

只要牡丹花慈曰易哉令取大花盆放筵前以水噴之頃刻發出牡丹一枝開放雙花眾官大驚邀慈同坐而食少刻庖官進魚鱸慈曰此鱸得松江鱸魚做之尤美操曰千里之隔安能取之慈曰易耳教取釣竿來於堂下忽有一池水慈持竿頃刻釣數十尾大鱸魚放在殿上操曰吾池之左慈亦無如老奸何美哉老奸不能也老鱸雖好到此都用不着若以老僧待山鬼之法待之中原有此魚慈曰大王何相慕也天下鱸魚只兩腮惟松江鱸魚有四腮此可辨也眾官視之果是四腮也慈曰鱸松江鱸魚須紫芽薑方可操曰汝可取之否慈曰易耳令人取金盆一箇慈於袖中簇簇然須臾得紫芽薑滿金盆進上操前操以手取之忽盆內書一本題曰孟德新書操

又讀之一字不差操大疑以目視之有殺左慈之意慈取  
 卓上玉盃滿斟佳釀進操曰王上可飲此酒壽有千年操  
 曰汝先飲之慈遂拔冠上玉簪於盃中一畫先飲一半如  
 水相似勸操飲之操叱之慈擲盃於空中化成一白鳩遠  
 殿而飛眾官仰面視之左慈不知所往操問左右人報他  
 出宮門而去操令許褚引鐵甲兵五百人追趕褚即上馬  
 趕至城門望見左慈穿木屐在前慢步而行褚飛馬追之  
 不上趕到出中見一羣羊慈立於羊羣內褚取箭射之慈  
 走入羣羊之內即不見褚將羊盡行殺之回去時有牧羊  
 小童守羊而哭忽見人頭在地上作人言喚小童曰汝可

將羊頭都轆在灰羊腔子上都轆了左慈忽然躍起將  
 羊百餘隻盡轆活左慈拂袖而去小童歸告主人主人不  
 敢隱告於曹操操畫影圖形各處嚴拏左慈二日之內城  
 裏城外所捉眇一目跛一足白藤冠青懶衣穿履轆先生  
 都一般模樣者有三四百箇開動街市操令眾將將猪羊  
 血潑之押送城南教場曹操引兵甲百餘圍住盡皆斬之  
 人人各起一道青氣到半天聚成一處化作左慈招白鶴  
 一隻騎舉雲內拍手大笑曰玉鼠隨金虎好雄一日休操  
 令眾將以弓箭射之忽然狂風大作走石揚沙所斬之屍  
 皆跳起來手提其頭奔上演武廳來打曹操文官武將掩

面驚倒各不相顧當日思鬼神豪曹操性命如何且聽下

弄得他有趣

回分解

總評

觀其寧凌統不其戴天一朝改爲別頸之友乃知世上無不解之仇只是人不肯先爲其寧耳吾還勸世人勇爲甘寧可也不然冤冤相報幾時得解妙哉一禪友之言曰吾輩當先解結起不可等待他人也東吳周泰不滅魏之許褚蜀之趙雲也壯哉丈夫可用可用不獨救權且再救徐盛益不可及矣而仲謀報之亦可謂一知己矣

老瞞極聰明極好許到左慈手裡一些也用不着奈何奈何

大地上一片戲場耳諸公何事苦苦認真所以左慈不得不來遊戲一場以點化他們

第六十九回

曹操試神卜管輅

當日曹操見黑風中羣屍皆起驚倒于地須臾風定盡皆  
不見羣下扶操回宮感而成疾後有讚左慈詩曰

飛步凌雲遍九州獨憑遁甲自遨遊金盤當殿呈銀鱸  
玉盞飛空化雪鳩頃刻花開紅影亂片時果結翠陰稠  
左慈施設神仙術點悟曹瞞不轉頭

人言左道非真術只恐其中未得傳若是真傳心地正  
何須物外學神仙

贊曰幽眈罕徵明數難校不探精遠曷感靈效如或遷

訛實乖玄輿

曹操心疑左慈因而成疾服藥無愈忽太史丞許芝自許昌來見操操令芝卜易芝曰主上曾聞神卜管輅否操曰頗聞其名未知何爲神卜汝當詳說其才芝曰管輅字公明平原人也容貌醜醜無威儀而好酒疎狂人也自幼八九歲便喜仰視星辰得人輒問其名夜不肯寐父母不能禁止常云家雞野鵠尚自知時何況爲人在世乎與隣里小兒共戲土壤中輒畫地爲天文分布日月星辰指點而觀之及長深明周易仰觀風角占會肉眼通神相其父曾爲瑯琊卽丘長管輅年十五歲於學中讀史日記數千言

學中四方人皆不及瑯琊太守單子春聞其名召輅相見時有坐客百餘人皆能言之士輅問子春府君名士加雄

使奇

貴之姿輅年少膽氣未堅欲相見恐失精神先請美酒三升飲而後言太守喜之遂與酒三升飲畢輅問子春今欲與輅爲對者若府君四座之士耶子春曰吾自與卿旗鼓相當輅曰輅始讀書論易本學問微淺未能引聖人之道陳秦漢之事但欲論金木水火土鬼神之情耳太守曰此事最難子以爲易耶座上賓客皆被管輅難倒對答有餘從曉至暮酒食不行客大奇之於是天下號爲神童後有利潛居民郭恩兄弟三人皆得瘖疾請輅卜之輅曰卦中

有君家本墓中女鬼非君伯母也昔饑荒之年必  
遭謀數升米之利推落井中嘖嘖有聲推一大石壓破其  
頭孤魂痛苦自訴于天以致君兄弟故有此報郭恩三人  
涕泣伏罪荅曰果有此事於是留管輅在家數日忽一日  
有鳩飛來梁上其鳴如哭輅卜曰今日午時當有一年老  
親人從東方携猪肉一肩濁酒一瓶至賓共飲笑中當有  
小驚是日果有姨丈携酒肉至與郭恩兄弟共飲甚懽恩  
令家僮射鷄爲食隔離悞傷鄰家女子左手流血如此之  
驗安平太守王基知輅神卜取住其家因信都令妻常患  
頭風其子心痛舉家常驚恐請輅卜之輅曰此堂西頭有

二屍屍一男持矛一男持弓箭頭在壁內脚在壁外持矛  
者主刺頭故頭痛不得舉也持弓箭者主刺胃腹故心中  
懸痛不能飲食也晝則浮遊夜則復來故使病人驚恐也  
於是掘之入地八尺果有二棺一棺中有矛一棺中有角  
弓及箭木皆朽爛但有角與鐵箭頭半啣于棺中遂徙骸  
骨去城外十里埋之家中無恙有館陶令諸葛原遷新興  
太守輅往送行客言輅能覆射諸葛原不信暗取卵蜂窠  
蜘蛛置於三盆之中令輅卜之卦成各寫四句於盆上其  
一曰舍氣須變依乎宇堂雌雄以形羽翼舒張此燕卵也  
其二曰家室倒懸門戶衆多藏精育毒得秋乃化此蜂窠

也其三曰殼鯨長足吐絲成羅尋網求食利在昏夜此蜘蛛也滿座驚駭後鄉中鄰婦失牛求卜之輅卜之曰在北溪之西七人宰之疾速去尋皮肉尚存其婦果往尋之見七人於茅舍後煮食皮肉猶存婦告本郡平原太守劉邠遂將各人獲斷問其婦曰何以知之婦告以管輅之神卜也劉邠不信請輅試之取印信囊及山鷄毛藏於盒中令輅卜之輅先卜其一曰內方外圓五色成文舍寶守信出則有章此印囊也其二曰巖巖有鳥錦體朱衣羽翼玄黃鳴不失晨此山鷄毛也劉邠大驚遂待之爲上賓一日春春出郊閒行見一少年於田中管輅立道傍觀之良久問

之曰少年高姓答曰姓趙名顏年十九歲矣輅曰汝眉間有死氣限三日內必死吾乃管輅也汝貌美可惜無壽趙顏回家急告於父父聞之趕上管輅哭拜於地曰請歸救之輅曰此乃天命也安可禳之父告曰止有此子望乞垂救輅見父子哀痛至切乃曰汝可備淨酒一樽鹿脯一塊來日往南山之中大樹之下盤石上奕棋一人向南坐者穿白袍其貌甚惡一人向北坐者穿紅衣其貌甚美汝可卽將酒盤及鹿脯而往勸之待酒食畢汝可哭告其事必添壽矣切勿言我名字老人留輅在家次日趙顏携酒脯帶盃盤入南山之中約行五六里來見二人於大松樹下



石上着棋全然不顧趙顏跪進酒脯二人貪着棋不覺飲酒已盡趙顏哭拜於地而求壽二人大驚穿紅袍者曰此必管子之言也吾二人已受其私必須憐之穿白袍者身邊取出簿籍視之曰汝今年十九歲吾今于十字上添一九字汝可壽活九十九回見管輅教再休泄漏天機必有大罪穿紅者出筆添訖香風過處化作二白鶴冲天而去趙顏回問管輅輅曰穿紅者南斗也穿白者北斗也顏曰吾聞北斗九星何其一也輅曰散而爲九合而爲一也北斗注苑南斗注生今已添之子復何憂父子拜謝管輅自此恐泄天機再不與人卜矣此人見在平原王上欲知休

咎何不召之操大喜卽差人往平原召輅輅至參拜訖操令卜之輅答曰此幻術耳至言何必爲憂操病遂安操令卜天下之事輅曰二八縱橫黃豬遇虎定軍之南傷折一股又卜算數輅曰獅子宮中以安神位王道鼎新子孫極貴操問其詳輅曰茫茫天數不可預知後有應驗方悟也操一日與輅論雲從龍風從虎之意操曰龍動則景雲起虎嘯則谷風生所以爲火星者龍參星者虎火出則雲應參出則風到此乃陰陽之感化非龍虎之所致也輅答曰言夫論難當先審其本然後求其理理失則機謬機謬則榮辱之主若以參星爲虎則谷風更爲寒霜之風非東風之名

是以龍者陽精以潛為陰幽靈上通和氣感神二物相扶  
故能興雲夫虎者陰精而居于陽依木長嘯動於異林二  
氣相感故能運風若磁石而取鐵不見其神而金自來有  
徵應以相感也况龍有潛飛之化虎有文明之變招雲招  
風何足為疑操問曰夫龍之在淵不過一井之底虎之悲  
嘯不過百步之中形氣淺弱所通者近何能興雲而馳東  
風輅曰王上豈不見陰陽遂在掌握之中形不出手乃上  
引太陽之火下引太陰之水嘯吸之間烟景以集苟精氣  
相感懸象應乎二燧苟不相感則知二女同居志不相得  
自然之道無有遠近也操大喜欲封輅為太史輅答曰命

薄相窮不稱此職不敢受也操問其故答曰輅額無王骨  
眼無守睛鼻無梁柱脚無天根背無三甲腹無三壬只可  
泰山治鬼不能治生人也操曰汝相吾若何輅曰位極人  
臣又何必相也再三問之輅但笑而不答操令輅遍相文  
武官僚輅曰皆治世之臣也操問休咎皆不肯盡言後人  
有詩單道神卜管輅詩曰

平原神卜管公明能算南辰北斗星八卦幽微通鬼竅  
六爻玄奧究天庭預知相法應無壽自覺心源極有靈  
可惜當年奇異術後人無復授遺經

操令卜東吳西蜀二處輅設卦云東吳王亡一大將西蜀

有兵犯界操不信忽合泚報來東吳陸口守將魯肅身故  
操大驚便差人往漢中探知消息不數日飛報至劉玄德  
遣張飛馬超兵屯下辨取關操大怒自要領兵再入漢中  
此去如何且聽下回分解

### 耿紀韋晃討曹操

曹操欲興兵討蜀令管輅卜之輅曰王上未可妄動來春  
許都必有火災操見輅言果驗故不敢輕動留居鄴郡使  
曹洪領兵五萬助夏侯淵張郃同守東川又差夏侯惇領  
甲兵二萬於許都來往巡警以備不虞魏王又降王旨教  
長史王必總督御林軍馬王簿司馬懿曰王必嗜酒性寬

恐不堪任軍國大事操曰王必是孤被荆棘屢報難辨州  
隨之人也忠而且勤心如鐵石國之良吏也孤心甚相託  
焉遂委王必自領御林軍馬屯營於東華門外時有一人  
姓耿名紀字季行洛陽人也舊為丞相府掾後遷侍中少  
府與司直韋晃甚好見曹操爵至魏王出入用天子車服  
心常不平時遇建安二十三年春正月耿紀與韋晃在私  
宅中共飲耿紀起身密議曰曹操篡逆有心多時吾等為  
漢臣豈可同惡相濟韋晃曰吾有箇心腹人姓金名禕乃  
漢相金日磾之後常見善惡出入內中然長嘆素有討操之  
心更兼此人與王必甚厚若得同謀大事濟矣耿紀曰他

既與王必厚交豈肯扶漢乎韋晃曰兵必難厚其意專欲  
助漢久矣我等往說之於是二人同行金禕宅來金禕接  
入後堂坐定晃曰德偉與王長史甚厚吾二人特來告求  
禕曰所求何事晃曰吾聞魏王早晚紹漢天下公必高遷  
望不相棄曲賜提携平生感德非淺也禕拂袖而起見從  
者看茶來將茶潑于地上晃曰德偉故人何薄情也禕曰  
吾與汝交厚為汝等是漢朝臣宰之後今不思報本皆欲  
輔造反之人吾有何面目與汝為友韋晃曰奈天數如此  
不得不為耳禕大怒耿耿韋晃見禕果有忠義之心故盡  
情告之晃曰吾二人實為漢朝來求足下故反說也禕曰

吾累世漢朝臣宰安能從賊汝要扶漢有何高見紀晃曰

雖有報國之心未有扶危之計禕曰吾欲裏應外合去殺

計自叔

王必方奪兵權扶助鑾輿結劉皇叔為外援操賊可滅矣

二人聞之頓首拜謝禕曰又有兄弟二人乃吾心腹之人  
與操賊大讐見居城外吾欲用之為羽翼紀晃問是何人  
禕曰太醫吉平之子長曰吉邈次日吉穆吉邈字文然吉  
穆字思然操昔日為董承衣帶詔事曾殺其父二子竄於  
遠鄉今見在此紀晃二人大喜遂見禕密喚吉邈吉  
穆二人至言及其事二人感憤流淚忿氣冲天誓殺國賊  
五人同謀金德禕曰正月十五日夜間城中大張燈火慶

賞元宵耿少府韋直你二人各領家僮殺到王必營前  
只看營中火起分兩路殺入得了王必逕跟我入內請天  
子登五鳳樓以召百官以安萬民計自好吉文然弟兄於城外殺  
人放火為號各各揚聲叫百姓誅殺國賊以扶漢室截住  
城向救軍待天子降詔招安已定進兵殺投鄴郡擒操即  
發使賞詔取劉皇叔今日約定至期初更而至勿似董承  
自収其禍五人對天說誓歃血為盟各自歸家整頓軍馬  
器械臨期而行且說耿紀韋晃二人各有家僮二四百預  
備器械吉邈兄弟亦聚三百人口只推圍獵排欄已定却  
說金禕先期來見王必言方今海宇稍安魏王威震天下

不可不放燈火以顯天下太平氣象必允其言去告報各

處盡教放燈火是夜晴霽王必與御林諸將此是漢家禍也在營中飲宴

忽聞營中吶喊人報兩處火起必慌走出帳看時兩下人  
亂火光中見是營中有變急上馬出南門正遇耿紀紀不  
知是王必只顧引弓箭而射之一箭射中必肩幾乎墜馬  
遂出西門而走背後有軍趕來王必無路棄馬步行至金  
禕門首慌叩其門那時金禕使人於營中放火却隨後助  
戰家中人聽得敲門只道金禕兒子已都去了只有婦  
人禕妻隔門便問曰王必那厮殺了麼必大驚方悟金禕  
同謀逕投曹休家報知金禕同謀反休自披掛飛

身上馬引千百人在城中拒敵城內四下火起燒着五鳳樓帝避于深宮曹氏心腹爪牙死據宮門城中是夜但聞人叫殺盡曹賊以扶漢室以末夏侯惇三萬軍巡警離城五里屯札遙望見城中火起領八軍前來圍住許都使一枝軍人城接應曹休戰到天明成敗論也紀韋晃等無人相助人報金禕二吉皆被殺死耿紀韋晃奪路殺出城門正遇夏侯惇大軍圍住背後活捉了手下百餘人皆盡殺之入城救滅遺火盡收各人老小宗族使人飛報曹操操教腰斬于市就殺漢百官盡赴鄴都以聽處置夏侯惇押耿紀韋晃至於通衢耿紀厲聲大呼曰曹阿瞞吾生不能殺汝死

當作鬼以擊賊劄子以刀棚口流血尚曰吾被辱

大罵不絕而死韋晃以面頰頓地曰可恨可恨咬牙皆

而死後人有詩讚曰

耿紀精忠韋晃賢各持空手欲扶天誰知漢祚相將盡

恨滿心曾喪九泉

夏侯惇將五家老小宗族皆斬於市王必箭瘡發而死將百官起赴鄴郡曹操於教場立紅旗於左白旗於右乃降王旨曰昨夜耿紀韋晃等造反放火焚許都汝等亦有出救火者亦有閉門不出者如曾救火者可立於紅旗之下如不曾救火者可立於白旗之下眾官自思救火者必無

三國志  
罪多奔紅旗之下三停內有一停立白旗之下操教盡擊  
立於紅旗下者眾官各言無罪操曰汝當時之心非是救  
火實為助國殺害吾宗族盡命奉出漳河邊斬之死者三  
百餘員靜軒先生有詩嘆曰

韋耿徒懷輔漢忠誰知天命屬奸雄可憐俊傑遭誣死  
血染漳河水浪紅

其立於白旗下者盡皆賞賜仍令還許都操命鍾繇為相  
國華歆為御史大夫曹休總督御林軍馬遂定侯爵六等  
十八級關西侯爵十七級皆金印紫綬又置關內外侯十  
六級銀印龜經墨綬五大夫十五級銅印銀組綬定爵封

官朝廷又換一班人物曹操方悟管輅火災之應遂重賞  
輅輅不受却說曹洪自到漢中張郃夏侯淵各據險要曹  
洪自進兵直抵下辦將近先鋒吳蘭領軍出哨隘口馬超  
至下辦令吳蘭為先鋒張飛守把巴西令雷銅為先鋒兩  
邊皆未動兵曹洪至下辦將近先鋒吳蘭領軍哨出正與  
曹洪軍相遇吳蘭欲退蘭手下牙將任夔曰今賊兵犯界  
若不先挫其銳氣何顏見孟起乎於是驟馬挺鎗來與曹  
洪軍搦戰洪自提刀躍馬而出與任夔交鋒三合斬夔於  
馬下乘勢掩殺吳蘭大敗回見馬超超責之曰汝不得吾  
令何故輕敵以致敗也吳蘭曰任夔不聽吾言故有此敗

馬超曰可緊守隘口勿與交鋒一面申報再教進兵退曹  
洪不遲蜀中文書未回曹洪恐馬超有謀引軍退回南鄭  
却說張郃來見曹洪問曰將軍既已斬將如何退兵洪曰  
吾見馬超不出恐有別謀在郃都聞神卜管輅有言當於  
此地折一員大將吾疑此言故退張郃大笑曰將軍相持  
牛生豈可以卜術惑其心哉郃雖不才願以本部兵取巴  
西若得巴西蜀郡易耳洪曰巴西守將張飛非比等閒不  
可輕敵張郃曰衆皆怕張飛吾視爲小兒耳此去必擒洪  
曰倘有疎失若何郃曰甘當軍令曹洪勒了文狀張郃進  
兵勝負如何下回便見

總評

人知左慈弄操不知管輅更弄操也惜哉孟德多少  
聰明多少奸詐到此處更用不着一毫也還問世上  
人左慈管輅畢竟是一箇人是兩箇人嗚呼此言一  
出真不怕疑殺了世上人也  
耿少府肅司直金德禧吉文然兄弟真漢家大功臣  
也如此五賢可配三傑若以成敗論之便不是矣



第七十回

瓦口關張飛戰張郃

張郃所屯兵三萬分爲三寨各傍山險一名宕渠寨一名  
蒙頭寨一名蕩石寨三寨軍各分一半去取巴西留一半  
軍守寨張郃進兵前行却說張飛在巴西關中守城軍報  
到說張郃兵來飛喚雷同商議同日聞中地惡山險可以  
埋伏將軍引兵出戰我出奇兵可擒張郃矣張飛撥精兵  
五千與雷同飛自引兵一萬離關中三十里與張郃兵相  
遇兩軍擺開張飛出馬單搦張郃郃挺鎗縱馬而出相交  
戰到二十餘合郃後軍大亂原來望見背後山中有蜀兵

三國志  
旗旛郃知便退張飛背後掩殺前面蜀兵殺出兩下夾攻  
郃兵大敗張飛雷銅連夜追襲直趕到宕渠山郃仍舊分  
兵守住三寨多置插木砲石堅守不戰張飛離宕渠十里  
下寨次日引兵搦戰郃在山上大吹大擂飲酒並不下山  
張飛令軍士大罵郃只不出飛兵還營次日令雷銅又去  
山下搦戰郃又不出雷銅驅軍士上山山上插木砲石打  
將下來折了十餘人雷銅急退盪石蒙頭兩寨兵出殺敗  
雷銅次日張飛又去搦戰張郃又不出飛使軍人百般穢  
罵郃在山上亦罵張飛尋思無計可施相拒五十餘日飛  
就在山前扎住大寨每日飲酒飲至大醉坐於山前辱罵

張郃玄德差人來軍前犒勞見張飛飲酒回見玄德說張  
飛飲酒恐失軍機玄德大驚乃問軍師孔明笑曰原來如  
此軍前恐無好酒奇成都佳釀極多可將五十甕作三車裝  
送到軍前與張將軍飲之玄德曰吾弟自來飲酒失事軍  
師何故反送許多好酒吾弟醉中必被張郃所害孔明笑  
曰王公與翼德許多年為弟兄不知其心也翼德自來剛  
強收川之時義釋嚴顏此非勇夫所為也今在巖渠與張  
郃相拒五十餘日翼德知口近聞飲酒醉之後則坐於山前辱罵傍  
若無人此非貪盃乃賺張郃之計也玄德曰雖然如此未  
見其實可使魏延助之孔明令魏延解酒赴軍前車上各

三國志  
插黃旗大書軍前公用美酒且說魏延解酒到寨中見張  
飛傳說王公賜酒飛拜受訖分付魏延雷銅各引一枝人  
馬爲左右羽翼只看軍中紅旗起便各進兵教將酒擺列  
於帳下令軍士大開旗鼓而飲之有細作報上山來張郃  
自來山頂觀望見張飛坐於帳下飲酒令二小卒於面前  
相撲爲戲郃曰張飛太欺我也傳令今夜下山劫飛寨令  
蒙頭盪石二寨軍皆出劫寨爲左右援當夜張郃乘月色  
微明引軍從山側而下逕到寨前遙望張飛大明燈燭正  
在帳中飲酒張郃當先大喊一聲山頭擂鼓爲助直殺入  
中軍但見張飛端坐不動張郃驟馬到面前一鎗刺倒見

老張大且是妙人

是草人急勒馬回帳後連珠砲起早到寨前一將當先攔  
住去路睜圓環眼聲若巨雷乃燕人張翼德挺矛躍馬直  
取張郃兩下牙將各自拒在兩將在火光中戰到三五十  
合張郃只盼兩寨來救原來被魏延雷銅兩將殺退就勢  
奪了山路郃與死戰百十餘合山上火起已被張飛後軍  
奪了寨柵張郃敗走張飛趕了一程回守巖渠二寨張飛  
報入成都玄德大喜方知翼德飲酒是計只要誘張郃下  
山却說張郃退守瓦口關二萬軍已折了一萬遣人問曹  
洪求救洪大怒曰汝不聽吾言強要進兵到折了巖渠山  
緊要隘口不肯發兵救却使人催督張郃出戰郃心慌只

得定計分兩軍離寨去開口前山僻埋伏分付曰我詐敗  
張飛必然趕來汝等就截在歸路當日張郃引軍前進正  
遇雷銅張郃與雷銅戰不數合張郃敗走雷銅趕來兩軍  
齊出截斷回路張郃復回刺雷銅於馬下敗軍回報飛飛  
白來與張郃挑戰郃又詐敗張飛不趕郃又回如此三次  
張飛知是計收軍回寨與魏延商議曰張郃用埋伏計殺  
了雷銅又要賺吾何不將計就計延問曰如何飛曰我明  
日先引一軍汝却引精兵於後待伏兵出汝可分兵擊之  
用車十餘乘各藏柴草塞住小路用火燒之吾乘勢擒張  
郃與雷銅報讐魏延領計次日張飛引兵前進張郃兵又  
至與張飛交鋒戰到十合郃又詐敗張飛引馬步軍趕來  
郃且戰且走引張飛過山谷口郃將後軍爲前復扎在營  
與飛又戰指望兩彪伏兵出要擒張飛不想却被魏延精  
兵到趕入谷口將車輛兩路截住放火燒車山谷草木皆  
着烟迷其徑兵不得出飛來衝郃兵張郃大敗走上瓦口  
關收聚敗兵堅守不出却說張飛和魏延連日攻打關隘  
不下飛見不濟把軍退二十里却和魏延引數十騎自來  
兩邊哨探小路當日忽見男女數人各背小包於山僻路  
攀藤附葛而走飛馬上用鞭指與魏延曰奪瓦口關只在  
這幾箇百姓身上喚步軍分付休要驚恐好生喚那幾箇

百姓來軍士連忙喚到馬前飛用好言以安其心問其何來百姓告曰某等皆漢中居民今欲還鄉聽知大軍廝殺

老張大是妙人

塞閉閬中官道今過蒼溪從梓潼山檜新川入漢中還家去飛曰這條路取瓦口關遠近若何百姓曰從梓潼山小路却是瓦口關背後飛大喜帶百姓入寨中與了酒食便與魏延商議曰汝可引兵扣關攻打我親自引輕騎五百出梓潼山攻關後張郃可擒矣飛令百姓引路選輕騎五百從小路而進魏延扣關攻打却說張郃爲救軍不到心中正悶忽報魏延在關下攻打張郃披掛却待下山急報關後四五路火起不知何處兵來郃自領兵來迎爲首旗

關早見張飛郃大驚急往小路而走馬不堪行後面張飛追趕甚急郃等棄馬上山尋逕而逃方得走脫隨行只有十餘人步行入南鄭見曹洪洪見張郃只剩下十餘人大怒曰吾教汝休去汝取下文狀要去今日折盡大兵尚不自死推出斬之時有行軍司馬便教留人來見張郃曰吾保汝取葭萌關將功折罪若何郃曰願在衆視之乃太原陽曲人也姓郭名淮字伯濟入見曹洪曰三軍易得一將難求張郃雖然有罪乃魏王深愛者也不可誅之可再與五千兵逕取葭萌關則牽動各處之兵漢中自安矣如不成功二罪俱罰曹洪從之又與兵五千教張郃取葭萌關

郃努力而去。却說守關將孟達、霍峻知張郃兵來，霍峻只要堅守，孟達定要迎敵。引軍下關與張郃交鋒，大敗而回。霍峻急申文書到成都，玄德聞知，請軍師商議。孔明聚眾將於堂上，問曰：「今葭萌關緊急，必須闔中取翼德方可退張郃也。」法正曰：「今翼德兵屯瓦口，鎮守閬中，是亦緊要之地，不可取回帳中諸將內選一人去破張郃。」孔明笑曰：「張郃乃魏之名將，非等閒可及，不着翼德，無人可當。忽一人厲聲而出曰：『軍師何視人如草芥耶？吾雖不才，願斬張郃首級，眾皆視之。』乃老將黃忠也。」孔明曰：「漢升雖勇，爭奈老矣，非張郃之對手也。」忠聽了，白髮倒豎而言曰：「某雖老兩臂尚開三石之弓，渾身還有千斤之力，何為老耶？」孔明曰：「將軍年近七十，如何不老？」忠趨步下堂，取架上大刀，掄動如飛，壁上硬弓，連拽折兩張。孔明曰：「將軍要去，誰為副將？」忠曰：「老將嚴顏，我兩箇同去成功。」但有疎虞，先納下這白頭玄德大喜，即時令嚴顏、黃忠去與張郃交戰。勝負還是如何。

黃忠嚴顏雙建功

黃忠與嚴顏將行，趙雲等諫曰：「今張郃親犯葭萌關，軍師休為兒戲。若葭萌一失，益州危矣。若破張郃，可以取漢中。」何故以二老將軍當此大勢乎？孔明曰：「汝以二人老邁不

能成事。吾料漢中必於此二人手內可得。趙雲等各各哂笑而退。却說黃忠嚴顏到關上。孟達霍峻見了二老將來。心中亦笑孔明如此調度。豈能用人。這般緊要去處。如何只教兩箇老的來。隨即交割了牌印。黃忠嚴顏使兩箇軍人將兩把認旗於關口山上豎立。使張郃聞知。黃忠對嚴顏曰：你見諸人動靜。笑我等二人年老。可建奇功。以服衆心。嚴顏曰：願聽將軍之令。當日引軍下關。與張郃對陣。黃忠出馬。與張郃答話。郃曰：你許大年紀。猶不識羞。尚欲出戰。耶忠怒曰：豎子欺吾年老。吾手中寶刀不老。遂拍馬向前。與郃交戰。二馬相交。約戰二十餘合。忽然背後喊聲起。

好壯語

原來是嚴顏從小路抄在張郃軍後。兩軍夾攻。張郃大敗。連夜趕去。張郃兵退入九十里。黃忠嚴顏收軍入寨。俱各按兵不動。曹洪聽知。張郃輸了一陣。又欲見罪。郭淮曰：張郃被迫。必投西蜀矣。可遣副將相助。就如監臨。使不生餘外之心。曹洪從之。卽遣夏侯惇之姪夏侯尚。并降將韓玄之弟韓浩。二人引五千兵前來助戰。二將卽時起行。到張郃寨中。問及軍情。郃言老將黃忠甚是英雄。更有嚴顏爲助。不可輕敵。韓浩曰：我在長沙。足知老賊利害。他和魏延獻了城池。害吾親兄。今旣相遇。必當報讐。遂與夏侯尚引新軍離寨前進。原來黃忠連日哨探。已知路徑。嚴顏曰：此

去有山名天蕩山山中乃是曹操屯兵積柴草之地此時

聚百萬糧草作為久遠之用大是若取得那箇去處其勢可破

漢中軍士自相離散矣忠曰將軍之機正合吾意可與吾

如此如此嚴顏聽黃忠說罷自引一枝軍去了却說黃忠

聽知老將勝人只是拿得定弄得到此所技藝也夏侯尚韓浩來遂引軍馬出營韓浩在陣前大罵黃

忠無義老賊浩拍馬挺鎗來取黃忠夏侯尚便出來攻黃

忠力戰二將各開十餘合黃忠敗走二將趕二十餘里奪

了黃忠寨忠又草創一營次日夏侯尚韓浩趕來忠又出

陣戰數合又敗走二將又趕二十餘里奪了黃忠營寨喚

張郃守後寨郃來前寨諫曰黃忠連退二日於中必有詭

計小兒安知夏侯尚叱張郃曰據你如此膽怯因此失了宕渠山再

休多言看吾二人建功張郃羞赧而退次日二將又戰黃

忠又敗退二十里二將迤邐趕上次日二將兵出黃忠望

風而走連敗數陣黃忠退在關上二將扣關下寨黃忠堅

守不出孟達暗暗發書申報玄德說黃忠連輸五陣見今

退在關上漢升知己玄德慌問孔明孔明曰此乃是老將驕兵之計

也趙雲等未信玄德差劉封來關上接應黃忠忠與封相

見問劉封曰此來助陣何意封曰父親得知將軍數敗故

差某來忠笑曰此老夫驕兵之計也看今夜一陣可盡復

諸營奪其糧食馬疋雄是此是借寨與彼屯輜重也今夜留霍



峻守關。孟將軍搬糧草，奪馬疋。小將軍看吾破敵，是夜二更。忠引五千軍開關直下。原來二將連日見關上不出，盡皆解怠。被黃忠破寨直入，人不及披甲，馬不及備鞍。二將各自逃命而走。軍馬自相踐踏死者無數。比及天明，連奪三寨。寨中遺下軍器鞍馬無數。盡教孟達搬運入關。黃忠催軍馬隨後而進。劉封曰：軍士力困，可以暫歇。忠曰：不入虎穴焉得虎子。策馬先追。士卒相斷，努力向前。張郃軍兵反被自家敗兵衝動，背後追兵太急，都扎不住，望後而走。盡棄了許多寨柵。到漢水傍，張郃尋見夏侯尚。韓浩議曰：此天蕩山，乃糧草之所。更接米倉山，亦屯糧之地。是漢中

軍士養命之源。倘若疎失，是無漢中也。夏侯尚曰：米倉山有吾叔夏侯淵分兵守護，那裏正接定軍山，不必憂慮。天蕩山有吾兄夏侯德鎮守，我等宜往投之，就保此山。張郃與二將連夜投天蕩山來。見夏侯德說黃忠用驕兵之計，誘到關下。軍馬突出，勢不可當。又被老賊連夜追趕，自相衝擊，故棄了許多寨柵。夏侯德曰：吾此處屯十萬兵，你可引去。復取原寨。郃曰：只宜堅守，不可妄動。忽聽山前金鼓大震，人報黃忠兵到。夏侯德大笑曰：老賊不諳兵法，只恃勇耳。郃曰：黃忠有謀，非止勇也。德曰：川兵遠涉前來，連夜疲困，更兼深入戰境，此無謀也。郃曰：亦不可料敵，且宜堅

守韓浩曰可借精兵三千擊之無不克也德分兵與浩下山黃忠整兵來迎劉封諫曰紅日已西沉矣軍皆遠來勞困且宜暫息忠大笑曰不然昔日哲人順時而動知者見幾而發今蒙天賜奇功不取是逆天也言畢鼓譟大進韓浩引兵來戰黃忠揮刀直取韓浩只一合斬浩於馬下蜀兵大喊殺上山來張郃夏侯尚急引軍來迎忽聽山後大喊火光冲天而起上下通紅夏侯德提兵來救火時正遇老將嚴顏手起刀落斬夏侯德於馬下原來黃忠預先使嚴顏引軍埋伏於山僻處只等黃忠軍到却來放火柴草堆上一齊點着烈焰飛騰照耀山谷嚴顏既斬夏侯德

從山後殺來張郃夏侯尚前後不能相顧只得棄天蕩山望定軍山投奔夏侯淵去訖黃忠嚴顏守在天蕩山捷音飛報成都見玄德玄德聚眾將慶喜法正言曰昔日曹操一舉而降張魯平定漢中不因此勢以圖巴蜀而留夏侯淵張郃二將屯守操遂北還此非其志不逮而力不足也大是必將內有變亂耳今料淵郃才畧不勝國之將帥若舉大隊之兵主公親往征之則必可克矣平定之日廣豐積穀觀釁伺隙上可以傾覆寇敵尊獎王室中可以蠶食農桑廣開境土下可以固守險要爲圖操之久計此蓋天與其時不可失也玄德深然之遂乃傳令旨趙雲張飛爲先鋒

玄德孔明起兵十萬擇日圖漢中傳檄各處令隄備時建安二十三年秋七月吉日玄德大軍出葭萌關下營令人召黃忠嚴顏到寨厚賞二將玄德曰人皆言將軍老矣惟軍師獨知其能今果立奇功世之罕有今漢中定軍山乃南鄭之保障糧食之會源若得定軍山陽平一路無足憂矣汝還敢取定軍山否黃忠慨然應諾便要領軍前去孔明止任言曰老將軍故然雄勇非夏侯淵之本對也淵深通韜畧善曉兵機曹操倚托為西涼之保障先屯兵於長安而拒馬孟起今又屯兵於漢中操不令他人守者為夏侯淵有將才也今將軍雖勝張郃未可以勝夏侯淵也吾

軍師又用激法妙絕妙絕

欲言者一人去荆州替回關將軍來方可敵得夏侯淵忠奮然答曰昔日廉頗年八十尚食斗米肉十斤諸侯畏其勇不敢侵犯趙界何況黃忠未及七十乎軍師言吾老矣吾並不用副將只將本部之兵三千人去立斬夏侯淵首級納於麾下孔明再三不容黃忠只是要去孔明日既將軍要去吾定一人為監軍同去若何忠應諾請問是誰且聽下回分解

起自漢獻帝建安十七年壬辰歲至建安二十三年戊戌歲止首尾七年事實

總評

張翼德早年鹵莽後來却大人細此皆孔明薰蒸之  
身也所以擇人而處處世第一件緊要事也  
黃嚴二老立此奇功可見吾人不可自老若一自老  
便真老矣近有六七十歲連發科第者只是一箇不  
目老耳亦有二三十歲而老者果卒見其老而無成  
也老少何有定哉只在當人自家老少耳  
孔明妙用只是激將真善將將者也

李卓吾先生批評三國志傳

第七十一回

黃忠截斬夏侯淵

却說孔明分付黃忠你既要去吾教法正相助你凡事計  
議而行吾亦撥人馬來接應你可小心黃忠應允和法正  
領本部兵去了孔明告玄德曰此老將不着言語激他雖  
去不能成功他今既已去了須撥人馬前去接應玄德曰  
然孔明喚趙雲曰你可將一枝人馬從小路出奇兵接應  
黃忠若忠勝你不必出倘忠有失你卽去救應又遣劉封  
孟達領三千兵於山中險要去處多立旌旗以壯我兵之

聲勢令敵人驚疑各自領兵去了。又差人往下辦授計與馬超令他如此而行。又差嚴顏往巴西閬中守隘替張飛魏延。令飛延來取漢中。共同三路進兵。却說張郃與夏侯尚來見夏侯淵說天蕩山折了。夏侯德韓浩今聞劉備親自領兵來取漢中。可速奏魏王。早發精兵猛將前來策應。差人報與曹洪。洪知其消息。星夜前到許昌。奏知魏王。曹操聞知蜀兵來取漢中。愕然大驚。急聚文武商議發兵救漢中。長史劉曄進曰。漢中肥饒。名有生息。倘若一失中原。震動王休。辭勞苦。可御駕親征。操自悔曰。恨當時不用卿言。以致如此。忙傳令旨。起兵四十萬。魏王親征。此時建安

二十三年秋七月終。曹操興兵。九月至長安。兵分三路而進。前部先鋒夏侯惇。操自領中軍。後軍救應使曹休。三軍陸續啟行。操騎白馬。金鞍玉轡。錦衣武士。手執大紅羅銷金傘蓋。左右金瓜銀鉞。鎗棒戈矛。擺天子之鑾駕。打日月龍鳳旌旗。護駕龍虎官軍。二萬五千。分爲五隊。每隊五千。按青黃赤白黑五色旗。旛甲馬。並依本色。光輝燦爛。極其雄壯。兵出潼關。潼關屬操在馬上望見一簇林木。極其茂盛。問近侍曰。此乃何處也。侍臣奏曰。此名藍田。藍田屬林木之間。乃蔡邕庄也。操與蔡邕素善。先時其女蔡琰。乃衛道珣之妻。曾被北虜擥。輶輶擄去。與胡人爲妻。生二子。作

胡笳十八拍流入中原操深憐之使人持千金入番取蔡  
琰有左賢王懼操之勢送蔡琰還漢操賜金帛配與董紀  
為妻當日到庄前因想起蔡邕之事令軍馬先行操引近  
侍百餘騎到庄門前下馬時董紀在任所牧民止有蔡琰  
在庄琰聞操至忙出迎接操至堂琰起居畢侍立於側操  
偶見壁間懸一碑文圖軸起身觀之間於蔡琰琰答曰此  
乃曹娥之碑也昔和帝朝時會稽上虞二邑名俱屬浙江有一師  
巫名曹盱能娑娑樂神五月五日醉舞舟中墮江而死其  
女年十四歲遠江啼哭七晝夜不歇聲跳入波中後五日  
負父之屍浮于江面里人葬於江邊後上虞令度尚奏聞

朝廷表為孝女尚令邯鄲淳作文鐫碑以記其事淳年十  
三歲文不加點一筆揮就立石墓側先人聞知去看時夜  
黑以手摸其文而讀之索筆題八字於其背後人鐫石繼  
打故傳於世是為先人遺跡操讀八字云黃絹幼婦外孫  
羹曰操問琰曰汝解此意否琰曰雖先人所遺之跡妾不  
知其意操回顧眾謀士曰汝等解否眾皆稽首於內一人  
挺身而出答曰某已解其意操視之乃主簿楊修也見管  
行軍錢糧兼理贊軍機事操曰卿且勿言容吾思之操乘  
馬行三里忽悟省笑問修曰卿試言之修曰此隱語也黃  
絹乃顏色之絲也色傷攪絲是絕字幼婦者乃少女也女

傷少字是妙字外孫乃女之子也女傷子字是好字藿乃  
 受五辛之器也受傷辛字是辭字總而言之是絕妙好辭  
 之四字也此是伯喈贊美邯鄲淳之文乃絕妙好辭也操  
 大驚曰正合孤意操率眾行至南鄭南鄭縣名屬陝西曹洪接着  
 備言張郃之事操曰非郃之罪勝負者兵家之常事洪曰  
 即日劉備使黃忠攻打定軍山夏侯淵知王上兵至固守  
 未曾出戰操曰若不出戰示其懦也差人持節到定軍山  
 教夏侯淵進兵長使劉曄諫曰淵性太剛恐中奸計操草  
 手詔與他依命行之使命持節到淵營淵接入使臣出詔  
 淵拆視之詔曰

詔示夏侯淵知之凡為將者當以剛柔相濟不可徒恃  
 其勇耳然為將固當以身為本行之以智計若但任勇  
 則是一愚夫之敵耳吾今屯大軍於南鄭欲觀卿之妙  
 才勿辱二字可也

夏侯淵覽畢大喜重待使命回訖整率軍馬要敵黃忠後  
 史官王友直因曹操試武將用謀而作詩曰

盡道龔官不足為龔官必也是男兒知兵豈在持戈戟  
 臨陣當專主破旗應節便能分與合隨麾下覺正為奇  
 他年恢復中原後看取凌煙更有誰

却說夏侯淵與張郃商議淵曰今魏王率大兵屯於南鄭

要討劉備。吾與汝久守此地，豈能建立功業。來日吾出戰，務要生擒黃忠。張郃曰：不可。黃忠謀勇更兼法正多機，此間山險峻，只宜堅守。久必自退。淵曰：若他人建了功勞，吾與汝有何面目而見魏王耶？汝只守山，吾去出戰。淵下令曰：誰敢出哨誘敵？夏侯尚進曰：小將願往。淵曰：汝去出哨，與黃忠交戰，只宜輸，不宜贏。吾有妙計。如此如此。尚受令引三千軍離定軍山大寨前行，却說黃忠與法正引兵屯於定軍山口，累求相戰。夏侯淵堅守不出，欲要輕進，又恐山路危險，難以料敵，只得據守。一日，忠與正商議之間，忽有伏路軍報曰：山上曹兵下來，如戰。忠聽得就要出戰，忽

一人奮然而出曰：將軍休動鈞意，待某引一千軍從山小路抄上，將軍引兵來戰，兩下夾攻，曹兵必敗。眾視之，乃牙將陳式也。忠大喜，遂令式引兵去了。式將大隊人馬從山後擁來，吶一聲喊，與夏侯尚交兵。尚詐敗，式趕去。忠恐陳式中計，急引一軍趕來接應。行到半路，被兩山上擣木砲石打將下來，不能前進。式正欲回時，背後夏侯淵出戰，生擒陳式。軍盡降曹。有敗軍逃得性命，來見黃忠，說陳式被擒，忠慌與法正商議。正曰：淵為人輕躁，恃勇少謀，可激士卒。連營稍進，步步爲營，誘淵來戰。此乃反客爲主之計。淵一至，可擒矣。忠用其謀，將應有之物，盡賞二軍，歡聲滿谷。



願效死戰黃忠即日拔寨而進步步爲營每營住數十日又進淵知欲出戰張郃曰此乃反客爲主之計不可出戰戰則有失淵不從郃諫令夏侯尚引數千兵出戰直到黃忠寨前忠上馬提刀出迎與夏侯尚交馬只一合生擒夏侯尚歸寨餘皆敗走回報淵知淵慌使人到忠寨說將陳式來換夏侯尚忠約定來日陣前相換次日兩軍皆到山谷澗處布成陣勢忠淵皆乘馬立於陣前答話已畢各推人並無袍鎧只穿蔽體薄衣式與尚各奔本寨尚比及到陣門邊被忠一箭射中後背尚帶箭歸寨淵大怒驟馬徑取黃忠忠正要激淵廝殺兩將交馬戰到二十餘合黃忠營

鳴金收兵淵慌回陣被忠乘勢殺了一陣淵問撥發官緣何鳴金官曰某見山凹中有蜀兵旗幡數處恐是伏兵故招將軍回淵信其說夏侯淵聽得堅守不出黃忠逼到定軍山下與法正商議正以手指之曰定軍山西巍然有一座高山四下皆是險道此山上足可視定軍山之虛實將軍若取得此山定軍山只在掌中也忠仰見山頭稍平山下有此少人馬是夜二更忠引軍士鳴金擊鼓直殺上山頂有副將杜襲守把此山襲字子緒潁川定陵人也當時襲止有數百人守山見忠大隊擁上遂棄山而走忠遂得了山頂正與定軍山相對法正曰待夏侯淵兵至吾舉白

旗爲號。他來搦戰，我却按兵不動，待他退兵無備，吾將白旗一舉，將軍却下山擊之，以逸待勞，反害其主也。來日淵必到，忠令半山多設旗鼓，以候兵到，却說杜襲急逃得來，見夏侯淵說黃忠奪了對山，淵大怒曰：「黃忠占了對山，不容我不出戰。」張郃諫曰：「這奪了對山，乃法正之謀也。將軍不可出戰，只宜堅守。」淵曰：「占了吾對山，觀吾虛實，如何不出戰？」郃苦諫不聽。分大半軍圍住了對山，淵搦戰，從辰罵至午，忠不出戰。法正在山上見曹兵倦怠，銳氣已墮，盡皆下馬坐息。法正將白旗一招，鼓角齊鳴，喊聲大震。黃忠一馬當先，驟下山來，猶如天崩地塌之勢。夏侯淵措手不及，

被黃忠趕到麾蓋之下，大喝一聲，有如雷吼。淵未及相迎，寶刀初落，連頭帶肩，砍爲兩段。後史官爲賦，斬夏侯淵有

詩曰：

蒼頭臨大敵，皓首逞神威。力赴雕弓發，風迎雪刃揮。雄聲如虎吼，駿馬似龍飛。馘斬功勳重，開疆展帝畿。

又詩曰：

飛出山前鼓震天，歡聲馘斬夏侯淵。一朝奪盡中原氣，關將何由效後先。

黃忠斬了夏侯淵，曹兵大潰，各自逃生。忠乘勢去奪定軍山，張郃領生力兵來迎。忠與陳式兩下夾攻，混殺一陣。張

三國志  
邵大敗奔本寨而去。忽然山傍閃出一彪人馬，當住去路。爲首一員大將，後執一面大旗，上書四箇字：常山趙雲。未知張郃性命如何。且聽下回分解。

### 趙子龍漢水大戰

却說趙雲攔住張郃，大殺一陣，進退無門，引敗軍奪路，望定軍山而走。郃見前面一枝兵來迎，乃都尉杜襲也。兩兵併合。襲曰：今定軍山被劉封、孟達奪了。郃聞知，大驚，遂引敗兵來到漢水，割營二將合兵一處。杜襲曰：將軍且暫管夏侯妙才都督印信，以安民心。令人飛報魏王。操聞淵死，放聲大哭。方悟管輅之所言。輅言三八縱橫，乃建安二十

四年也。自猪遇虎者，乃歲在己亥正月也。定軍山之南者，乃定軍山之南山也。傷折一股者，乃淵與操兄弟之親情也。操令人尋管輅時，不知何處去了。操深恨黃忠，遂親統大軍來定軍山，與夏侯淵報讐。令徐晃作先鋒，行到漢水，張郃杜襲接着。曹操二將奏曰：今定軍山已失，某等恐失其利，將米倉山糧草移于北山寨中屯積，然後進兵。魏王依允。却說黃忠將夏侯淵首級來葭萌關上，見玄德獻功，玄德大喜，加爲征西大將軍，設宴慶賀。忽牙將張著來報說：曹操自領大軍二十萬來，與夏侯淵報讐。目今張郃在米倉山屬四搬運糧草，移于漢水北山脚下。孔明曰：今操引

大兵至此恐糧草不敷故勒兵不進若得一人深入其境  
一面燒其糧草一面奪其輜重先滅操之銳氣此爲上計  
也黃忠曰老夫願當此任孔明曰今曹操舉二十萬之衆  
至此必有大將非比夏侯淵張郃之兵也玄德曰夏侯淵  
雖是總帥乃一勇夫耳安及張郃若斬得張郃勝斬夏侯  
淵十倍也忠奮然又曰吾願往斬之孔明曰你可與趙子  
龍同領一枝兵去凡事計議而行看誰立功忠應允便行  
孔明就令張著爲副將雲與忠曰今操引二十萬衆分屯  
十營將軍在主公前要奪糧非小可之事將軍當用何  
策忠曰看我七去如何雲曰我等先去忠曰我是主將你

是副將如何爭先雲曰我與你都一般與主公出力何必  
計較我二人拈鬮拈着的先去忠依允當時黃忠拈着先  
去雲曰既然將軍先去某何不相助可約定時刻如將軍  
依時而還某按兵不動若將軍不應時而還某卽破陣救  
助忠曰子龍之言是也二人約定各回營中子龍與部將  
張翼曰今黃漢升約定明日去奪糧草若午時不回我去  
救應吾營前臨漢水地勢危險我若去時汝可謹守寨柵  
不可輕動張翼聲喏却說黃忠回到寨中與副將張著曰  
我斬了夏侯淵張郃喪膽吾今日領命去劫糧草只留五  
百軍守營你可助吾今夜三更盡皆飽食四更離營殺到

北山脚下先捉張郃後劫糧草張著依令當夜黃忠領人馬在前張著在後偷過漢水直到北山之下東方日出見糧積如山軍士看守曹兵見蜀兵到盡棄而走黃忠教馬軍一齊下馬取柴堆于米糧之上乾柴堆畢正欲放火張郃兵到與忠混戰一處探聞知遂令徐晃接應晃領兵前進將忠困于垓心張著引三百軍走脫正要回寨忽一枝兵撞出攔住去路爲首大將乃是文聘後面曹兵又至把張著圍住却說趙雲見忠不回急忙披掛上馬引三千馬步軍來與黃忠接應雲與張翼曰日已平西黃漢升將危矣汝可堅守營寨兩壁廂多設弓弩以爲準備翼連聲

喏子龍挺鎗驟馬直殺將來迎頭一將攔路乃文聘手下將慕容烈拍馬舞刀來迎子龍子龍手起一鎗刺于馬下曹兵敗走子龍直殺入重圍又一枝兵截住爲首乃牙將焦炳使三尖刀一口子龍喝問曰蜀兵何在炳曰已殺盡矣子龍大怒驟馬一鎗刺焦炳于馬下殺散餘兵直至北山之下見張郃徐晃是兩人圍住黃忠軍士被困多時子龍大喊一聲挺鎗驟馬殺入重圍左衝右突如入無人之境那鎗渾身上下若舞梨花徧體紛紛如飄瑞雪張郃徐晃心驚膽戰不敢迎敵子龍救出黃忠且戰且走所到之處無人敢阻操驚問衆將曰此將何人也有識者告曰此乃

常山趙子龍也。操曰：昔日當陽長坂英雄尚在，急傳令曰：所到之處，不許輕敵。因此曹兵只看山上招旗之處，指東圍東，指西圍西。子龍救了黃忠，引三千軍殺透重圍，數內有一人指之曰：東西上圍的，必是副將張著。子龍不回本營，遂望東南殺來。所到之處，但見常山趙雲四字旗號，曾在當陽長坂知其勇者，互相傳說盡皆逃竄。子龍又救了張著，曹操見子龍東衝西突，所到之處無敢迎敵，救了黃忠，張著奮然恨怒，自招呼左右將士來趕子龍。子龍已殺回本寨，部將張翼接着，望見後面塵起，知是曹兵追來，即與子龍曰：追兵漸近，可令軍士閉上寨門，上敵樓防護子

龍。喝令休閉寨門。汝豈不知吾昔日當陽長坂單鎗匹馬殺曹兵八十三萬，如觀刈芥。吾今有軍有將，何以懼哉？遂撥弓弩手於寨外壕中埋伏，將營內旗號盡皆倒偃。金鼓不鳴。子龍匹馬單鎗立于營門之外，却說張郃徐晃領兵追至蜀寨，天色黃昏，見寨中偃旗息鼓，又見趙雲匹馬單鎗立于營外，寨門大開，二將不敢前進。正疑之間，忽魏王到，見軍不動，急教催督向前。眾軍聽令，大喊一聲，殺奔營前。見子龍全然不動，曹兵翻身就回。子龍把鎗一招，壕中弓弩齊發。比時天色昏黑，又不知蜀兵多少。操先撥回馬走，只聽得後面喊聲大震，鼓角齊鳴。蜀兵趕來，曹兵自相

踐踏擁到漢水河邊落水死者不知其數子龍黃忠張著各引兵一枝追殺甚急是夜操正奔走之間忽劉封孟達率二枝兵從米倉山路殺來放火燒糧草操棄了北山糧草忙回南鄭徐晃張郃扎腳不住亦棄本寨而走子龍先占了曹寨黃忠奪了糧草漢水所得軍器無數差人去報玄德玄德遂同孔明前來戰場觀之玄德孔明至漢水凭高望之玄德問子龍的部將曰子龍於此地如何廝殺其將答曰曹兵二十萬漫山遍野殺來子龍引三千兵直殺透重圍救出黃忠并三千人馬子龍率眾左衝右突往來廝殺曹兵散而復合者數次子龍又殺入重圍放出副將

張著并三百騎不曾折了一人子龍又匹馬單鎗立于營外操親驅兵殺至營前被子龍招弓弩射之曹兵敗走浴死于漢水者萬餘人因此全獲奇功豈獨胆乎才識俱足以濟之玄德大喜看了山前山後險峻之路欣然與孔明曰趙子龍一身都是膽也後

詩曰

昔日戰長坂威風猶未減突陣顯英雄被圍施勇敢鬼哭與神號犬驚并地慘常山趙子龍一身都是膽

又詩曰

單鎗匹馬冠三軍前後無雙勇絕倫昔日當陽今漢水子龍端的膽包身

又詩曰

長坂坡前血戰時，皆言人馬似龍飛。今觀漢水全無敵，方表將軍有虎威。

却說玄德聽得如此，心中大喜，說與眾將，就號子龍爲虎威將軍。大勞將士，歡宴至晚，忽人來報玄德曰：「曹操復遣大軍，從斜谷小路而進，來取漢水。」玄德笑曰：「操此來無能爲也。我料必得漢水矣。」乃率兵于漢水之西，以候曹兵到。曹操命徐晃爲先鋒，又來決戰。帳前一人出曰：「某深和地利，願助徐將軍同去破蜀。」操視之，乃巴西巖渠人也，姓王名平，字子均，見充牙門將軍。操大喜，遂救王平爲副先鋒。

相助徐晃，操屯兵于定軍山北。徐晃王平引軍至漢水，晃令前軍渡水列陣。平曰：「軍若渡水，倘要急退，如之奈何？」晃曰：「昔日韓信用兵，背水爲陣，此按孫子兵法致之死地，而後生平曰：不然。昔者韓信料陳餘無謀而用此計，今將軍能料趙雲黃忠之意否？」晃曰：「汝可引步軍拒敵，看我引馬軍破之。」遂令搭起浮橋，隨卽過河來戰蜀兵。未知勝負如何，且聽下回分解。

總評

黃絹幼婦外孫壘曰：畢竟是絕妙好辭四字。否，孟德行過三里，畢竟知道是絕妙好辭四字。同楊修同一



見解否此都不可知勿遂以相沿之久而信之無疑也凡讀書須自家另出手眼方有長益若作矮人觀塲隨人悲笑不過矮人而已丈夫七尺可甘心作矮人乎哉

成事只在膽然才識亦自少不得也但看趙子龍一身都是膽何嘗專以膽用事其才其識俱有二十分也吾補玄德之語曰子龍一身都是木一身都是識

第七十二回

劉玄德智取漢中

却說徐晃引軍渡漢水王平諫之不聽渡過漢水扎營黃忠趙雲告玄德曰某等各引本部兵去迎曹兵玄德應允二人引兵在途忠與雲曰今徐晃恃勇而來且休與敵待日暮兵氣挫動你我兵分兩路擊之可也雲應允各引一軍據住寨柵徐晃引兵從辰時搦戰直至申時蜀兵不動晃盡教弓弩手向前望蜀營射之忽一人報與黃忠趙雲曰徐晃令弓弩射者其軍必退也可乘時擊之又一人報曰曹兵後隊果然退動蜀營鼓聲大震黃忠領兵左出趙

雲領兵右出兩下夾攻。只一陣，徐晃大敗，盡逼入漢水。死者無數，晃死戰得脫。到營大責王平。汝見吾軍勢將危，如何不救？平曰：我若去救，此寨亦不能保。我曾諫公休去，公不肯聽，以致此敗。晃大怒，欲殺王平。平當夜引本部軍就營中放起火。曹兵大亂，徐晃棄營而走。平渡漢水來投趙雲。雲引見玄德，平盡獻漢水地利。玄德大喜，曰：孤仰王子均陳言良策，吾得漢中無疑矣。遂命王平爲偏將領鄉導。使却說徐晃逃來，見操說王平及了去降劉備。操大怒，親統大軍來奪漢水寨。柵趙雲恐孤軍難立，遂退漢水之西。兩軍隔水相拒。玄德孔明來觀形勢。孔明見漢水上流頭有一帶土山，可伏千餘人。孔明回到營中，喚子龍分付汝可引五百人，皆帶鼓角，伏于土山之下。或半夜或黃昏，只聽我營中砲響，汝便一齊發擂，却休出戰。砲響一番，擂鼓一番，不要出戰。子龍受了計，自去埋伏。孔明却在高山上暗窺。次日曹兵到來搦戰，營中盡數伏定，一人不出。弓弩都不發。曹兵自回。當夜更深，孔明見曹營燈火方息，軍士歇定，遂放號砲。子龍聽得令，鼓角齊鳴。曹兵驚慌，只疑劫寨。及至出營，不見一軍，方纔回營。欲歇號砲，又響。鼓角又鳴，吶喊震地。山谷應聲。曹兵徹夜不安。一連三夜如此。驚疑操心怯，拔寨自退三十里。就空濶去處，扎營。孔明歎曰：

曹操雖知兵法不知詭詐遂請玄德親渡漢水背水結營。玄德問計孔明曰可如此如此曹操見玄德背水下寨心中稍疑使人來下戰書孔明批來日決戰次日兩軍會于中路五界山前列成陣勢操出馬立于門旗下兩行布列龍鳳旌旗插鼓三響喚玄德答話玄德引劉封孟達并川中諸將而出操揚鞭大罵曰劉備忘恩失義反叛朝廷之賊玄德曰吾乃大漢宗親奉詔討賊汝僭越天子鑾儀自立爲王非反而何操怒命徐晃出馬來捉玄德劉封出迎交戰之時玄德先走入陣封敵晃不住撥馬便走操下令捉得劉備者便爲西川之主大軍吶喊殺過陣來蜀兵望

漢水而逃盡棄營寨馬匹軍器丟滿道上曹軍爭競取之操急鳴金收軍衆將在馬上曰某等正待捉劉備主上何故收軍操曰吾見蜀兵背漢水安營而疑之一也多棄馬匹軍器者疑之二也可急退軍休取衣物操下令曰妄取一物者立斬火速退兵曹兵方回頭時孔明號旗舉起玄德中軍領兵便出黃忠左邊殺來趙雲右邊殺來曹兵大潰而逃孔明連夜追趕操傳令軍回南鄭只見五路火起原來魏延張飛得嚴顏代守閬中分兵殺來先得了南鄭操心驚奔陽平關而走玄德大兵追至南鄭褒州安民已畢玄德問孔明曰曹操敗速者何也孔明曰操平生爲人

多疑雖能用兵疑則多敗吾以疑兵勝之玄德曰今操退守陽平關其勢已孤先生將何策以退之孔明曰某已定了便差張飛魏延分兵兩路去截曹操糧道令黃忠趙雲分兵兩路去放火燒山糧草盡絕豈能久住乎玄德曰妙哉眾將各引鄉導官軍去了却說曹操退守陽平關令軍哨探回報言曰今蜀將遠近小路盡皆塞斷砍柴去處盡放火燒絕不知兵在何處操正疑惑間又報曰張飛魏延來往劫糧必得大將相助操問曰誰敢敵張飛許褚曰某願往操令許褚引一千精兵去陽平關路上護接糧車當日部糧官參拜褚曰若非將軍到此糧又不得到陽平矣將車上的酒肉獻與許褚諸將痛飲不覺大醉褚乘酒興催糧車行押糧官曰前褒州之地山勢險惡未可過去褚曰吾有萬夫之勇豈懼他人哉今夜乘着月色正好使糧車行走許褚當先橫刀縱馬引軍前進二更已後往褒州路上而來行過一半忽山凹裏鼓角震天一枝軍當住爲首大將乃燕人張翼德也挺矛縱馬直取許褚褚舞刀來迎只一合矛中許褚肩膀翻身落馬手下牙將向前急救退入軍中弓弩亂發翼德不得向前攻敵只奪了糧草車輛後人有詩贊張飛曰

雄哉翼德銳氣如虎據水斷橋橫矛一舉入川釋嚴出

褒刺褚威震曹公分茅列土

張翼德盡奪糧草車輛而回却說眾將保着許褚回見曹  
操操就令醫士療治金瘡操自提兵來與蜀兵決戰雌雄  
玄德引軍出迎兩軍陣圓玄德令劉封出馬操罵曰賣履  
小兒常使假子拒敵吾若喚黃鬚來汝假子為骨醬肉泥  
也劉封大怒挺鎗驟馬逕取曹操操令徐晃來迎封詐敗  
而走操引兵追趕蜀兵營中四下砲響鼓角齊鳴操驚懼  
有伏兵急退軍時曹兵自相踐踏死者極多回陽平關方  
纔歇定蜀兵趕到城下東門放火西門吶喊南門放火北  
門擂鼓操大懼棄關而走後蜀兵追襲操正走之間前面

張飛引一枝兵痛殺一陣魏將保操奔走趙雲引一枝兵

從背後殺來黃忠從褒州殺來操大敗諸將驚慌操驟馬

加鞭方逃至斜谷界口

斜谷地名屬陝西

忽塵頭起一枝兵到操

曰此軍若是伏兵吾今休矣其兵將近乃操次子曹彰也

彰字子文少善騎射膂力過人手格猛獸不避凶險操常

戒之曰汝不讀書而好汗馬此乃匹夫之勇何足貴也彰

曰大丈夫學衛青霍去病立功沙漠長驅數十萬眾縱橫

天下是其志也何能作博士也操常問諸子之志彰曰好

為將操問為將何如彰曰披堅執銳臨難不顧身先士卒

賞必行罰必信操大笑二十三年代郡烏丸反代郡胡地名烏丸夷

名操令彰引兵五萬討之臨行操戒之曰居家爲父子受事爲君臣動有王法爾可戒之彰到代北身先戰陣胡騎應弦而倒直殺至桑乾桑乾地名北方皆平知操在陽平敗陣故來助戰操見彰至大喜曰黃鬚兒遠來破劉備在即日矣諸將曰目今勢敗何能再勝操曰吾兒一掃北方數千里皆平今幸勝兵之來助安有不勝之理遂勒兵復回未知勝負如何且聽分解

曹孟德忌殺楊修

曹操見曹彰引兵於斜谷界口安營有人報玄德言曹彰到玄德問曰誰敢去戰曹彰劉封出口曰某願往孟達又說

要去玄德曰汝二人同去看誰成功各引兵五千來迎劉封仗玄德之威在先孟達在後曹彰出馬與封交戰只三合封大敗而回孟達引兵前進方欲交鋒只見曹兵大亂却是馬超吳蘭兩軍殺來曹兵先自膽落三路軍衝殺而來超兵歇養日久到此耀武揚威勢不可當曹兵敗走正直吳蘭當住彰一戟刺蘭于馬下三軍混戰操退兵于斜谷界口扎住被超侵劫晝夜不安劉封惶恐無面見父聽知孟達建功深恨結讐操屯兵日久欲要進兵又被馬超拒守張飛趙雲黃忠不時搦戰正要交鋒又被蜀兵把住要道欲收兵回長安又恐蜀吳耻笑心中猶豫不決忽

值庖官進雞湯操見碗中有雞肋因而有感于懷正沉吟之間夏侯惇入帳來稟號令爲夜間之用操隨口曰雞肋雞肋惇傳令衆官都稱雞肋有行軍主簿楊修見傳雞肋二字便教隨行軍士各收拾行裝準備歸程有人來夏侯惇報知惇大驚遂請楊修去問公何收拾行裝修曰以今夜號令便可知也雞肋者食之無肉棄之有味今進不能勝退恐人笑在此無益不如早歸來日魏王必班師矣故先拴束庶免臨行慌亂夏侯惇曰公知魏王肺腑也遂亦收拾行裝寨中諸將無不準備當夜曹操心亂不能穩睡遂提鋼斧遶寨私行只見夏侯惇寨內軍士各準備行裝

操大驚急回帳召惇問其故惇曰主簿楊德祖先察王欲歸之意操喚楊修問之修以雞肋之意答之操大怒字德祖漢太尉楊彪之子楊震之孫博學廣覽一目數行九流三教無所不曉建安中舉孝廉除郎中操用爲署倉事主簿出則叅贊機務總知內外事修爲人恃才放曠數次于犯曹操姑恕操平生爲人雖然用才能之人心甚忌之只恐人高如己昔日帝造花園一所一年造成請操觀之操看罷不言好只取筆于門上書一活字而去人皆不曉修曰門內添活字乃闕字也丞相嫌闕于是再築牆圍又請觀之操大喜問曰誰知吾意一人答曰楊修也操雖

面喜心甚忌之。又一日塞北送酥一盒，操喜遂寫一盒酥三字于盒上。操入寢，修入見之，取匙分食。操睡覺欲食，不見操，問之。修答曰：丞相有命令，一人食一口，盡食之矣。豈敢違丞相之命。操雖大喜，而心惡之。操常分付左右，吾夢中好殺人，睡着勿近前。一日晝寢于帳中，落被于地，一近侍慌取覆之。操躍起，拔劍斬之，復上床睡半晌而起，驚問何人殺吾近侍。衆以實對。操痛哭而厚葬之。人皆不識，以爲操果是夢中殺人。惟修知之，臨喪歎曰：君乃囊中之錐也。操聞而惡之。操第三子曹植，字子建，深惜其才，常邀修談論，終夜不息，甚是敬之。操與衆商議，欲立子建爲魏王。

太子曹丕知其謀，請朝歌長吳贊議事，恐有人見，用盛紉大簾藏吳贊入府。修知其事，來告操。操曰：來日擒之。早有入報曹丕不慌，告吳贊曰：何必憂患，明日用大簾裝絹，再入以惑之。次日修又告知操，操使人搜之，果皆是絹。操因此大疑楊修有害曹丕之心。操一日令曹丕、曹植各出鄴城門，却密使人分付莫放植先問修。修曰：世子今奉王命，如有阻當者，斬之。果然曹丕至門，被當住，自回。植至城門，門吏阻之。植曰：吾奉王命，如箭離弦，何人敢當。欲背反耶，立斬之。操知次子多能，召而問之。植對曰：出于胸襟也。操喜，有人告操曰：此乃楊修之所教也。操此時已有殺修



之心矣。修常作答教十餘條與植。但操有間，依條答之。其中治國安民之道，無所不該載焉。操常問子建其對答如流。操心中甚疑，後丕暗買子建左右，偷答教來告操。操見了，大怒曰：「匹夫安敢交媾吾兒以侮孤耶！」此時殺修之心愈忿矣。惟恐外人議論，故隱忍之。子建帶酒乘操車出司馬門，人皆以操出伏道而迎之。至近方知是子建，操聞知大怒曰：「吾無事不出此門，將已取信於諸侯也。汝今無禮可殺之。」眾官苦勸方止。自此曹操不喜子建，諸君不敢登門。操帶修征南，漢水觀碑時，亦要殺修。恐諸將士議論，復忍之。當時操怒曰：「豈儒敢亂吾兵耶！」叱刀斧手推出。

之號令首級於營門外，以示其眾。修死年二十四歲。後史官有詩贊曰：

聰明楊德祖，世代繼簪纓。筆下龍蛇走，胸中錦繡成。開談驚四座，捷對冠羣英。身死因雞肋，令人哀怨生。

又詩曰：

凡得三公衣有不緘口者乃知緘口二字得三公之  
姦雄端的忌聰明，積怨存心恨易生。雞肋早知能喪命，

秘訣也  
爭如緘口得三公。

曹操佯怒欲斬夏侯惇，眾官皆告免。操數聲喝退，操令來日進兵出斜谷界口，再復中原。忽當道一軍擺開，為首大將乃魏延也。操招魏延歸降，延惡言大罵。操令龐德戰之。

二將正鬪間寨內火起人報馬超劫了中後二寨操拔劍在手曰諸將動者斬衆將努力上前殺退魏延延投山僻小路而走操方回來戰馬超又令一軍敵張翼德操立於高阜處看兩軍各各効力爭戰忽一軍撞在面前乃是魏延延拈弓搭箭射中曹操操翻身落馬延棄弓綽刀驟馬上山坡來殺曹操馬後戰過一將大叫休傷吾主乃南安徇道人也姓龐名德字令明奮力向前戰退魏延保操前進馬超兵已退操歸原寨操帶傷又折却門牙兩箇令醫士調治方憶楊修之言隨將修屍收回厚葬就令班師却教龐德斷後車乘馬匹已備操卧于檀車之中左右護衛

虎賁軍數萬人忽報斜谷兩邊山上火起馬超伏兵趕來曹兵連夜奔回長安銳氣墮盡未知何如且聽下回分解

總評

操殺楊修忌才也固爲可恨但楊德祖處人父子兄弟骨肉之間敢于任怨安有不敗之理卽非疑忌如老瞞亦未有不敗者况疑忌如老瞞者乎凡有聰明而好露者皆足以殺其身也以楊德祖爲前車可也德祖子建諸人再無有成事之理輕浮躁露無所不有適足以殺其身而已凡有人智慧者必如張子房諸人迫而後應感而後起也安有不叩而鳴而祥者



